





M. Audicis
de Typographia
inventione.
Copenhagen, 1566.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 989 8° copy 1





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 989 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 989 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 989 8° copy 1

49. - 41


DA-Galos

LN 989

ex. 1

M





1398. H. 61.

L
G
T

DE TYPO
GRAPHIAE INVEN-
TIONE, ET DE PRÆLO-
RVM LEGITIMA INSPECTIO-
NE, LIBELLVS BREVIS
ET VTILIS.

PER
MATTHÆVM IVDICEM.

COPPENHAGII,
Excudebat Iohannes Zimmermann;

ANNO 1566.

FCK

N
R

F

gust
non in
rator
nea
tius
qui
stibus
re uia
Br
pende
De
uid
huma
ce
citata
ut sep



NOBILI ET CLA³
RISSIMIS VIRIS DOMINO E-
BERHARDO A THANNA, ET DO-
ctori Petro Prem, & doctori Simoni Schar-
dio, & Domino doctori Lamperto
Fredelando, Dominis, & Pa-
tronis suis obseruan-
dis,

Forte non pauci mirabuntur, me in isto meo exilio
de Typographia, & de praelorum illiberali, & in-
sidiosa oppressione, & de inspectionis abusu, tam an-
gusto, & conciso sermonis genere scribere, cum ea res
non imbecillem & exulem, Sed uel magnum aliquem O-
ratorem, qui grandi sermonis genere, & ui uerborum sa-
xae illa malorum corda absterret ab eo incepto, aut po-
tius singulare, & potens, & miraculosum Dei auxilium,
qui propemodum claua sua, aut fulmine repressis illis ho-
stibus praela in pristinam uindicare et libertatem, desidera-
re uideatur.

Breuit er ergo mei facti rationes exponam, quas qui ex-
penderit, haud facile temeritatis me accusauerit.

Dona Dei agnoscere, & celebrare pios decet, quia De-
us id postulat a nobis, ac in eum finem suis beneficijs genus
humanum cumulat, ut ijs fruente autorem cognoscamus,
& celebremus. Ac adeo detestatur ingratitude & co-
citate, qua munera sua negliguntur aut contemnuntur,
ut saepe ijs sublati substituat mala, quae de bonis amissis,
A 2 eorum

eorumq; autore, & largitore nos magna cum molestia, & dolore communefaciant. Inter alia autem dona & ornamenta, quæ Deus generi humano dedit, haud infimum locum tenent artificium scribendi, quod sanè antiquum est, & primis patribus tribuitur, & artificium typographicum, quod ultra quinquies mille quadringentos, & duodecim annos ignoratum, seculo superiori ab homine germano non sine Dei consilio, & munere est inuentum.

Iure igitur à me, & quidem ab omnibus bonis donum illud Dei agnoscitur & celebratur, idq; eò magis quod infinita commoda secum affert, quemadmodum solent munera diuinitus concessa πολυκάρπια, & fructuosa esse.

Nam ut de alijs commodis, quibus res literaria per typographiam aucta est, & adhuc indies cumulat, tot uoluminibus autorum uetustissimorum in lucem editis in omni genere disciplinarum & facultatum, nihil dicam, illud certè diuinum & immortale est, quòd ea plurimum
promouit instaurationem puritatis doctrinæ, & reuelationem Antichristi, & regni eius destructionem. Nam uolumen in eo genere libellum ceutelum, aut globum quenquam ad feriendum Antichristum per Angelum & uirum Dei Doctorem Martinum Lutherum, & alios eius σύμμετρον directum, & uix in uno aliquo loco eius socios ictuarum, typographia ceu amplissima quædam machina tormentaria excepit, & breui tempore multiplicauit, et quasi densissimam grandinem eiacula est, & plurimis in locis zizania papistica contriuit, & errores & corruptelas, & ἱδ' εὐλογησκέας, & idolomaniās Antichristi
de

destruxit & aboleuit, & ueram doctrinam propagauit,
 & ubiq; ferè locorum membra Ecclesiæ effecit eos, qui an-
 tea in tenebris, & umbra mortis sedebant. Nec potuit An-
 tichristus ulla astutia, aut industria, aut etiam ui suum re-
 gnum tutum ab illis telis efficere, neq; doctrinam Euange-
 lij tanta librorum copia exundantem in orbem terrarum,
 reprimere.

Etsi autem donum linguarum, quo spiritus Dei Apo-
 stolos eorumque discipulos ad propagationem Euangelij
 per omnes nationes, & linguas hominum ornauit, quida-
 dam præstantius uidetur, tamen non ineptè quod ad cele-
 ritatem attinet, typographia cum eo confertur. Sicut e-
 nim eo instructi Apostoli quouis terrarum excurrerunt,
 nisi sigillatim à spiritu Dei in aliquo loco iussi essent tace-
 re, cœperunt doctrinam Euangelij promulgare, & Eccle-
 sias colligere, ac breui temporis spacio multos auditores
 ad agnitionem ueritatis adduxerunt, qui suis popularibus
 eadem lingua præditis amplius magnalia Dei annuncia-
 re, & propagare non cessarunt, donec paulatim integræ
 gentes, et nationes Christianismo sunt imbutæ, uanis idolo-
 rum cultibus, & gentili superstitione abiecta, & radici-
 tus euulsa. Ita etiam per Typographiam pura doctrina li-
 bro inscripta, & breui temporis spacio magno numero
 per exemplaria diuulgata, & hinc inde dispersa plures
 sortiuntur lectores, quos Deus accendit ueritatis agnitio-
 ne, qui postea eandem doctrinam in suam linguam trans-
 ferentes, iterum typographiæ beneficio, per multa exem-
 plaria diffundunt, ut innotescat plurimis, & tandem inte-

gra regna, principatus & ducatus uera religione occu-
pantur, abiectis erroribus, & idolatricis cultibus. Et non
est dubium, quin Deus propter repurgationem Ecclesiæ
his postremis temporibus faciendam, quæ à Christo fulgu-
ri, seu coruscationi confertur propter celeritatem, Mat:
25. multa passim præla, & officinas typographicas cura-
uit institui, ut doctrina sincera reuelata diuinitus, longè
lateq; per omnes orbis terrarum partes, leui opera, &
breui tempore diffunderetur, in præiudicium omnibus
nationibus: Hæc beneficia memoria, & gratiarum a-
ctiōe digna sunt, quam Deo meo pro mea uirili hac qua-
licunaq; commentatione uolui præstare.

Accedit & illud, quòd uidi præclarum illud Dei opus
& donum, ut alijs plerisq; solet accidere, multiplici ab-
usu contaminari, & insidiosa occupatione à Diabolo, &
impijs diuexari cum magno detrimento Ecclesiæ, uerita-
tis & posteritatis, quæ ut nemo bonus probare potest,
& rectè à pijs omnibus redarguuntur, ita spero nec mihi
uitio uersum iri, si quæ non rectè fiant in hoc genere obi-
ter indicem, & quasi digitis Dialectica ratione, absq; uer-
borum ornatu nudè & breuiter demonstrarem, idq; publici
boni gratia, quod quisq; etiā priuatus tenetur promouere.

Quia uerò non sum eius autoritatis et roboris, ut pos-
sim præla à scæda illa seruitute, & oppressione plurimorū
magnatum neopapalē sedem iuxta Luheri uaticinia con-
fusa Ecclesiastica, & politica potestate machinantiū, libe-
rare, excitandi mihi fuerunt homines literati, & eruditi,
ut tanquam Duces, & ueterani milites, acie benè instru-
cti in

Et, in prælium Domini ueniant, & segnitie ac socordia penè amissam prælorum libertatem, diuinum implorantes auxilium ore, stylo, & iusto labore, ac certamine arduo recuperent, & in integrum restituant.

Ac per Deum omnes pios & literatos homines, maxime uerò Theologos, qui sunt ministri Dei, & custodes non modò doctrinæ ueræ, sed etiam libertatis Ecclesiasticæ, quam Christus suo sanguine comparauit, oro & obtestor, ut in timore Domini oculos aperiant, & uideant quomodo non modo Papistæ, sed etiã aulæ, seu ut uocant Cancellariæ, curiæ, & improba cœd' glæ, seu Consistoria, quæ in Lutheranorum Ecclesia, ut uulgò appellatur, instituantur, sub prætextu inspectionis librorum edendorum Ecclesiam suo iure et libertate, & potestate iudicij defraudent, sibiq; solis arrogent, & decretis suis inauditam & immanem uim prælis inferant, eaq; necessarijs & utilibus scriptis ad ueritatis assertionem, & errorum refutationem, & peccatorum redargutionem occludant, & erroneis, & blasphemis, & Ecclesiæ Dei, ac ueritati nocentibus scriptis patefaciant, adeo etiam ut sinceros Dei ministros eam solam ob causam in exilium eijciant, si nolint consentire in legitima & insidiosa mandata.

Cogitent singuli, qui pietatem & ueræ religionis propagationem, & conseruationem amant, quem tandem exitum sortitura sit res ista, nimirum quod sicut officinæ typographicæ prius, cum inspectio non tantum penes politicas, sed penes Ecclesiam, eiusq; doctores, quibus iudicium de doctrina est cõmissum, esset, seruierunt Christo,

cuiusq; ueritati propagandæ, ita nunc, cum soli aulici librorum Theologorum inspectores, & censores erunt, serui-
tura sint Antichristo, & mendacijs, dum necessarijs, & u-
tilibus ueritatis defensionibus, & errorum & corruptela-
rum refutationibus, & serijs pœnitentiæ concionibus ex-
clusis & relegatis, operam suam nauabunt erroribus pro-
pagandis & defendendis, & nouis decretis contra ueram
religionem promulgandis, & conuicijs & calumnijs in
bonos & innocentes effundendis.

Hæc uerò qua conscientia ueri Doctores & fideles mi-
nistri Ecclesiæ possint silentio aut dissimulando præteri-
re, aut non admodum reclamando comprobare, aut etiam
adulando adiuuare, quisq; pro sua conscientia uiderit. E-
quidem non ignarus sum quosdam mutos canes, & uigiles
dormientes parum moueri, si uideant prælorum oppres-
sionem & abusum, & existimare, parum id ad se pertine-
re, siue reprehendant, siue probent talia facientes, eo se-
se consolantes, quod ipsi nihil in animo habeant edere ty-
pis. Verum si isti non cæci essent, doceri possent, ad ipso-
rum officium pertinere uigilare pro libertate Ecclesiasti-
ca conseruanda, & abusus donorum Dei taxare, & scan-
dala & damna Ecclesiæ præcauere, & quæ mala sunt
damnare.

Nullus certè est præfectus aut pedaneus, qui non ter-
minos domini, & iurisdictionis sui Domini gnauiter cu-
stodiat & defendat, & si uicinus eos transeat, si non po-
test prohibere, certe protestationem opponat de saluo iu-
re sui domini. Pudeat ergo Theologos, & Ecclesiæ Mini-
stros

PRÆFATIO.

9

stros metas iuris, & libertatis Ecclesie non summa diligencia obseruare, & uigilanter custodire, & eas inuadentes, & sibi arripientes non arguere, & de pœnitentia monere. Aulici & politici uigilantiores sunt intuenta sua potestate politica, neq; immerito: Si enim quis ex Theologis & ministris Ecclesie id affectat, quod ad politicam potestatem pertinet, grauitur repellitur, ac pedem in suggestum referre iubetur, nisi malit ferre infortunium. At multi ex nostris, licet sentiant Aulicos sese extra metas sue uocationis efferre, ac sese dominos super uerbum Dei, & Ecclesiam, & ministerium constituere, ac sibi solis censuram sumere de libris edendis, eamq; ita exercere, ut ueros, necessarios & salutares libros impediunt, & opprimant propemodum exemplum Ioachim imitantes, qui librum Ieremie à Baruch exceptum comburebat, cum applausu & consilio aulicorum suorum, Ierem: 36. tamen quasi canes muti, ne mutire quidem audent contra uiolatores, & raptores iuris Ecclesie, & contra tam tetra & nocentia peccata & scandala.

Sed reddent illi aliquando rationem sue uillicationis & dispensationis illi Domino, qui Ecclesiam eiusq; iura, sanguine suo redemit, ac illos uigiles & custodes eorum constituit. Mihi satis est pro meo talento hæc monuisse, & occasionem cogitandi aliis piis præbuisse.

Deinde & hæc non postrema est causa, ob quam hanc de typographia, & de inspectione methodum dialecticæ propono, ut nimirum cum in Ecclesia Dei, cuius indignus sum minister innotuerit, me propterea, quod libellum de +

A 5 mana

mandato Dei exite, Apocal. 18. ediderim sine aulæ iussu,
 quæ integrum annum eius libelli exemplar detinebat sine
 responso, & adhuc quidem habet, in exilium pulsus sum,
 omnes p̄i uideant, quibus de causis neq; ego, neq; alij mei
 Collegæ consentire potuerimus, in illud edictum, quod no-
 bis primum, postquam meus libellus impressus erat, con-
 tra piorem conuentionem, & uocationis conditiones, la-
 tum est, ne quid externis prælis ederemus non prius ab
aulicis iuxta sententiam huius mundi approbatum, & con-
 cessum. Legitimam inspectionem eorum, apud quos no-
 stra imprimenda fuerunt, nunquam detrectauimus, Sed in
 talia decreta, quæ hamum ueritati, ad quam dicendam à
 Deo uocati sumus, iniiciunt, & nouam seruitutem de ex-
 ternis prælis, qualis non est audita & usurpata, dum mun-
 dus stetit, aut litera uel syllaba scribi cœpit, rei literariæ
 imponunt, & Ecclesiam suo iure priuant, & iudicium de
 doctrina ad aulæ placita, et non ad normam uerbi diuini,
 & ad homines dono discernendi spiritus carentes, alli-
 gant, consentire non sine scelere & impietate potuisse-
 mus. Neq; ea in re præfractè quicquam egimus, Sed no-
 stris rationibus propositis petiuimus conscientias nostras
 liberari, & ex uerbo Dei probari talia decreta pia esse,
 & à nobis bona conscientia approbari posse. Verum qui
 nos meliora uoluisset docere ex uerbo Dei, nemo fuit,
 Sed illa uoce, Nolumus uobiscum disputare, Item, Sic uo-
 lo, & non aliter repulsi sumus. Quare nunc ad Ecclesiam
 Dei appellandum censui, cuius iudicio hunc totum meum
 libellum de typographia lubens subijcio, Meliora ex uer-

PRÆFATIO.

11

bo Dei edoctus ueritati, Deo me gubernante cedam, gratias acturus eam monstranti.

Vobis autem uiri nobiles & clarissimi, hanc methodum inscribere & dedicare uolui, quia scio uos non tantum prudentia iuris claros, sed etiam ueræ pietati dedicatos, ac spero uos Dei gratia rectè existimare præla dona Dei esse, ac inspectionem & iudicium librorum Theologicorum non solis aulicis, qui alioquin satis habent, quod agant, sed Ecclesiæ, eiusq; sinceris, & dono discernendi spiritus præditis Ministris competere, nec probare decreta, & constitutiones contrarias, & multiplices abusus, multò minus ut eam ob causam ministri Dei, quorum nequæ doctrina, neq; uita culpabilis est, affligantur.

Deus pater Domini nostri Iesu Christi, regat uos suo spiritu sancto, ut in eorum numero sitis, qui dolent super contritione Ioseph, & abhorrent ab omnibus, quæ uerbo Dei, & gloriæ ac regno Domini nostri Iesu Christi, & salutis Ecclesiæ aduersantur, & magis Deum quàm homines timeatis. Valete. Vuismarie in exilio die Paschatis, Anno Domini 1564.

Matthæus Iudex

V.

Observantissimus.

DE

DE TYPOGRAPHIA.
 DE TYPOGRAPHIA,
 PARS PRIOR, CONTI-
 NENS SIMPLICEM ME-
 THODVM.

APPELLATIONES

CAPVT I.

Nomina sunt typographia, calcographia, ars impres-
 soria, seu excusoria, & per Synechdochen præla.

AN SIT.

CAPVT II.

Quòd sit quoddam artificium typographicum, proba-
 tione non indiget hac nostra ætate. Res enim ipsa in om-
 nium oculis uersatur, & longè lateq; per orbem terra-
 rum, ante annos non ita multos diuulgata est, ac in fre-
 quenti usu habetur.

QVID SIT.

CAPVT III.

Typographia est artificium ab industrijs hominibus in
 Germania singulari Dei beneficio inuentum, mirabili qua-
 dam ratione literarum typos connectendi, referentes &
 exprimentes integras uoces & sententias, & uno siste-
 mate facto, multa millia exemplarium, leui opera, me-
 diocribus impensis excudendi, à Deo postremis tempori-
 bus, ad ueritatis Euangelicæ propagationem, & multi-
 plicium

plici
nem

Sp
ra sue
sue ali
racteri
uariar
primum
item
Nam illa
cultior

Efficie
mundi igr
nobis esse
mano oste
ipsam lite
quibusdan
referunt
hæc typo
um autor
mnia bon

plicium errorum refutationem, & Ecclesiae aedificationem concessum.

QVAE SPECIES.

CAPVT IIII.

Species ratione subiecti plures sunt, Alia est, qua literae siue latinae, siue Graecae, siue Ebraicae, siue Arabicae, siue aliarum gentium, quae suis quibusdam utuntur characteribus in scriptione. Alia qua picturae seu imagines uariarum rerum. Alia qua notae Musicae, uel numeri exprimuntur.

Item alia uetus, alia recentior ratio impressionis est. Nam illa quidem rudior, & simplicior fuit, Haec uero ex cultior & ornatio est.

QVAE CAUSAE.

CAPVT V.

Efficiens remota Deus est. Nam tot seculis ab initio mundi ignorata est typographia, & hodie etiam occulta nobis esset, nisi Deus singulari beneficio eam generi humano ostendisset, ac largitus esset. Plerique autores artem ipsam literariam & scriptoriam, qua sensus animorum quibusdam characteribus, mirabiliter sanè exprimuntur, referunt Deo acceptam etiam inter gentes. Cum autem haec typographica longè expeditior sit, quis dubitat Deum autorem fateri, praesertim cum scriptura testetur, omnia bona, & utilia dona esse à patre luminum.

EFFICIENS.

PRO-

PROPINQVA.

Sunt eius artificij primi inuectores, Iohannes Faustus,
eius Moguntinus, & socij eius Petrus Schafferdes Garen
scheimensis, & Iohannes Guttembergicus.

Pro occasione autem eius inuentionis quidam assignant, Faustum aurifabrum sculpsisse alphabetum in metal-
lum, & obducto atramento impressisse in chartam. Cum
autem uideret exprimi litteras, animum intendit homo
solers, & indagauit, an non coniunctis literis integræ sen-
tentia possint excudi, quod cum effici posse deprehende-
ret, longius progressus per industriam, & diligentiam,
& assiduitatem id artificium excoluit circiter annum Do-
mini 1440. sub Friderico tertio, ut Naclerus annotat,
uolumine secundo. Auentinus uerò asserit anno 1450. in-
uentam esse eam artem, & primum clam habitam so-
cijs ad silentij fidem iurisiurandi religione obligatis.
= Verum decennio post Iohannem Guttembergicum Ar-
gentoratensem Fausti Ministrum in Germania euulgasse.

INSTRUMENTALIS.

Instrumenta sunt charta, typi literarum, siue ex ara-
gento, ut Aldini, siue ex stanno, siue ex plumbo, chaly-
be indurato, siue ex orichalco, siue alio idoneo metallo
fusi, atramentum, prælum, & similia, quæ in officinis cer-
nere licet, Item ministri, locatores, impressores, corre-
ctores, & alij.

QVAE CAUSA FORMALIS?

Ad

DE TYPOGRAPHIA

15

Ad formalem causam totum artificium pertinet, nimirum literarum collectio, & collocatio in iustum ordinem, applicatio ad prælum, typorum per atramentum tinctio, chartæ impositio, & præli compressio.

QVAE FINALIS.

Hos ob fines reus generi humano uidetur id munus concessisse, ut res literaria iuuaretur, & expeditius libri & autores imprimerentur.

Vt uiliori precio uendi, & emi possent monumenta ueterum, & recentium autorum.

Vt artium, iurisprudentiæ, & medicinæ studia, quæ seculis prioribus satis erant obscura, excolerentur.

Inprimis uerò ut puritas doctrinæ Euangelij, quæ erat his postremis seculis reuelanda contra Antichristi corruptelas, citius, facilius, longius & latius per orbem terrarum propagari posset.

Vt corruptelæ & errores, quos Sathan per sua organa ad nouam Euangelij lucem obscurandam inueniret ad decipiendum etiam electos, à pijs Doctoribus refutati, maturius innotescerent passim.

Vt etiam aliæ gentes superstitionibus deditæ, aut Mahometismo captæ facilius possent ad agnitionem Christianæ religionis adduci.

Ne monumenta illustrium uirorum, quos Deus hac postrema ætate excitauit, ita subito, ut quibusdam ex ueteribus accidit, interirent.

Vt

Ad

Vt uerbum Dei abundanter inter homines habitaret,
Ne Epicureismus proprius nouissimi seculi morbus, seu po-
tius ueternus, nimis multos corripere, propter librorum
inopiam & caritatem, Ideo Deus uoluit uilissimo precio
libros extare, & quasi omnia replere, ne quis suae insci-
tiae, aut ignauiae iustam causam praetexere posset.

Vt Deus etiam pro hoc mirabili artificio celebrare-
tur.

QVI EFFECTVS.

CAPVT VI.

Effectus ferè cum causa finali coincidunt, de qua in prae-
cedentibus dictum est. Deinde etiam uerus Typographiae
usus, & commoda huc pertinent. Vsus autem sunt uarij,
& quidem ordinati.

Primus autem & praecipuus est imprimere, & edere
illa, quae pertinent ad propagationem, illustrationem &
conseruationem uerae doctrinae, ut sunt sacra Biblia in
quolibet genere sermonis, Ebraico, Graeco, Latino, Ger-
manico, Gallico, Sclauonico, ut nunc sit Labaci & simili:
Et scripta Doctorum Ecclesiae, & Historicorum, & Chro-
nicorum, praesertim eorum, qui statum Ecclesiae descri-
pserunt, monumenta & scripta *το λειμνα*, quibus ha-
reticorum errores, & corruptelae, & zizania refutan-
tur, & ueritas & puritas doctrinae propugnatur. Nam il-
la omnia pertinent ad primam Decalogi tabulam.

Secundus est imprimere, & edere illa scripta, quae per-
tinent ad facultatem iuridicam, cui post Theologiam se-
cundas

cundas ignobile uulgus propter Magistratum attribuit partes.

Tertius est imprimere, & edere monumenta, in quibus uerè traduntur ea, quæ ad artem medicam faciunt.

Quartus est imprimere, & edere tum ueterum, tum recentium autorum scripta, in quibus artes liberales traduntur, illustrantur & excoluntur.

Quintus imprimere, & edere eos libros, in quibus ueræ historiae tum ueteres, tum recentes exponuntur.

Sextus & ultimus sanè tribuatur scriptis iocosis, & tamen sale conspersis, uerum nec superstitiosis, nec spurciis loquis, ut sunt Aesopus, fabulae quaedam Poeticae, Comediae, & Tragediae, Vlen Spiegel, Schimpff vnd Ernst, Dieterich von Bern, Fortunatus, Freydanck & similia.

QVAE COGNATAE

CAPVT VII.

Ars impressoria cognitionem habet cum scriptione manuali, & cum pictoria & sculptoria arte. Nam istae sibi inuicem seruiunt, quæ enim scribi, & pingi, & sculpi possunt, illa etiam in plano impressionem admittunt.

Impressoriae etiam famulantur uicina artificia, ut sunt ars conficiendi papyrum, fundendi matriculas, & typos, conficiendi atramentum, planandi, & ligandi libros, & similia.

QVAE PUGNANTIA.

CAPVT VIII.

B

Pugnans

Pugnantia sunt uaria, quorum species quasdam subiicimus.

1. Vitia, quæ committuntur uarijs modis, uel literaturæ, cum minus affabrè typi facti sunt, ut in quibusdam uetustis codicibus initio, cum adhuc rudia, & simplicia essent omnia, conspicitur.

Vel præpostera collocatione literarum, cum non qualibet suo ordine posite sunt, sed disturbatae uel mutatae, uoces, & sententias, quas debebant, non exprimunt.

Vel punctuatione, quando comata, cola, periodi, paragraphi, tituli, capita, & similes distinctiones non rectè obseruantur.

Vel negligentia, cum quedam uoces, & sententiae omittuntur, aut confunduntur, aut bis ponuntur, aut sæpius repetuntur, aut series, & ordo paginarum confunduntur, aut orthographia in linguarum idiomatis non obseruatur, aut cum numeri paginarum, necessarij indices, & similia negliguntur, quæ discentium studia remorantur, et scrupulos imperitis inijciunt, ac doctis interdum etiam negotium facefcunt, & errorum semina præbent.

2. Vitia propriè pertinentia ad personas Typographorum, qualia sunt. 1. Impietas, cum ea quæ pugnant cum uera religione, pietate, honestate & communi utilitate excudant, ut sunt libri hæreticorum, errorum, & corruptellarum defensiones, famosi libelli, pasquilli, inuectiue contra innocentes, scripta uetita, ut de nigromantia, & de rebus impudicis, & similia.

2. Adiaphorismus, cum utrique parti æquiferviunt, et sine

Et sine conscientia scripta pro et contra ueritatem, et honestatem imprimunt. Qua in re similes uerubus sunt, quæ affixas carnes cuiuscunque generis siue mundi siue immundi animantis sunt, circumagunt.

4. Auaricia, cum tantum ad sua commoda attenti illa, quæ questuosa sunt, et uendibilia, et scholastica, philosophica, et gentilia imprimunt, alijs quæ ad ueritatis propagationem faciunt, et ad gloriam Dei abiectis, et explosis.

5. Tyrannis quæ duplex est, aut ecclesiasticorum, aut politicorum.

Ecclesiasticorum Tyrannis est, cum praela ab ecclesiasticis non recte de religione sentientibus occupantur, et occluduntur libris siue antiquis, siue recentioribus, quibus puritas doctrinæ cœlestis contra errores, hæreses, et corruptelas aseritur, et propugnatur. Sic Antichristus Romanus in locis sibi subiectis pœna capitali officinas Typographicas astringit, ne quid contra suos errores excudant, et è diuerso eas cogit ueterum monumenta corrupta, et à se, et suis falsata, aut contaminata imprimere, et suis erroribus propugnandis inferuire. Imo his non contentus etiam maiora molitur. Nam in Typographos etiam in alijs locis, et libros eorumque autores, in quibus suos errores, et scelera intelligit oppugnari, quotannis excommunicationis fulmen stringit. Suos etiam passim habet proditores, ceu magnos heroes, in locis ubi celebres sunt officinæ, per quos diligenter expiscatur, et cauet, ne quid contra se apertius, et firmitus edatur. Adeo sibi Tyrannis metuit.

Idem propemodum imitantur alij spirituales sectarii, siue pauci, siue plures, coniuncti in nonnullis synedris, seu ut hodie uocant Consistoriis, qui citra Ecclesiae assensum, sibi uendicant dominium potius in praela, quam iudicium iuxta ueritatem, nihilq; nisi à se approbatum edi uolunt, cum tamen ad iudicandum pleriq; sint tam idonei, ut asinus ad lyram, & cum inspectionis labore pertæsi, bonos & necessarios libros abiiciant, aut erroribus & corruptelis patrocinantes, ueritati occludant, mendacis uerò & calumniis omnia pandant.

Tyrannis politicorum est, cum politici Magistratus omne ius praelorum, tam suorum quàm alienorum sibi tantum cum suis aulicis rapiunt, & Ecclesia Dei inconsulta, imò cōtradicante publica decreta faciunt, ne quid à Theologis sibi subditis edatur sine suo consensu, & uoluntate siue typis eius regionis, siue externis alij Domino subiectis, idq; in eum finem, ut caueant, ne spiritus sanctus & ministri eius debita, & necessaria libertate utantur, ad ueritatis propagationem, & errorum, corruptelarum, & scelerum reprehensionem & refutationem. Sed de hac re infra copiosius & liquidius.

4. Abusus praelorum cum aut blasphema, aut heretica, aut idolatrica, aut turpia, aut scurrilia, & quacunq; ratione pietati, & bonis moribus aduersa, & nocentia imprimuntur. Aut cum præposterus obseruatur ordo, & potius gentilia, & philosophica & iocosa, sæpe etiam scurrilia scripta, quàm ad gloriam Dei & ueritatem pertinentia excuduntur.

PARS

PARS ALTERA, CONTINENS QVÆ- STIONES COMPOSITAS.

EX hac simplici methodo plurimi loci compositi, seu propositiones, quæ interdum in quæstionem & controuersiam ueniunt, tractari & iudicari possunt, quales sunt:

1. An typographia ad artes liberales, an uerò ad manuariaria artificia, seu ad utrumq; pertineat.
2. Quæ inter typographiam, & scriptionem, & pictoriam, & iconographiam sit differentia?
3. An typographia hominum, uel Dei sit inuentum & donum?
4. Quando inuenta, & cur tot seculis ignorata sit?
5. Qui fuerint inuectores, & qua occasione inuenti rini?
6. Catalogus quorundam illustrium Typographorum.
7. Catalogus quorundam illustrium locorum, in quibus sunt officinæ typographicæ?
8. Catalogus linguarum, quibus hætenus excusi, promulgati sunt libri.
9. Catalogus operum typis excusorum.
10. De arte, & modo fundendi typos.
11. De collocationis artificio.
12. De multiplici literaturæ differentia.
13. De papyri inuentoribus.
14. De uarijs speciebus, & signis papyri.

15. Quæ inter scriptoriam, & impressoriam papy-
rum differentia.

16. Methodus de inspectione.

17. An literati & præsertim Theologi legitime in-
spectioni suos libros subijcere debeant.

18. An literati, & præsertim Theologi illegitime
inspectioni suos libros debeant subijcere.

19. An bona conscientia Magistratus possint litera-
tis, & maxime Theologis imperare, ne quid sine sua in-
spectione, & censura suis prælis excudant.

20. An Magistratus rectè faciant, si interdican-
tis sub sua ditione constitutis, ne quid prælis externis
uulgent, à se non prius uisum & approbatum.

21. An homines literati bona conscientia in eiusmodi
seruitutem consentire possint.

22. An bona conscientia Typographi quiduis excu-
dere possint.

23. An rectè nomen Typographi, & loci occultetur.

24. An rectè fiat, si libri fictitijs nominibus eda-
tur.

25. An contra mandatum Magistratus rectè imprimi
queant, quæ ad gloriam Dei, & propagationem ueritatis
& communem utilitatem faciunt.

26. De uitijs, & uirtutibus Typographorum eorum-
que Ministrorum.

De his nos obiter quædam annotabimus, pleniorẽ ex-
plicationem in aliud tempus, ubi plus ocij habuerimus re-
hientes.

AN

AN TYPOGRAPHIA AD ARTES

liberales, an uero ad opificia manualia,
an ad utrumque pertineat.

CAPVT I.

Suum cuique rei locum, & honorem tribuere necessarium, & utile est, cum propter uaria discrimina, & gradus earum, tum propter animos, & studia hominum, tum propter commoda, quæ ad communem hominum societatem, & salutem pertinent. Sunt autem opera quæ ab hominibus præstatur in hac uita, Alia sacra, qualia sunt docere uerbum Dei siue in Ecclesia, siue in scholis, siue in ædibus priuatis, administrare Sacramenta, orare, beneficere proximo &c, Alia artium liberalium, quæ principaliter ratione, & ingenio perficiuntur, licet adminiculo sensuum, & organorum etiam externorum utantur, ut sunt loqui, docere, orare, numerare, canere, scrutari res naturæ, obseruare modum siderum, Alia opificum, quæ principaliter manuum labore, licet etiam scientia aliqua & ingenij dexteritas accedat, efficiuntur.

Hæc iterum multorum sunt generum, Alia enim opificia liberalia, alia honesta, alia sordida, alia questuosa, alia ludicra habentur. Verum quid attinet de his speciebus multa dicere? Hic de impressoria agitur, cui & suus honos, & locus assignandus uenit. Etsi autem ea mixtum quiddam seu medium esse uideatur inter liberalium artium opera, & opificum, Tamen sicut scriptionem non ad opificum operas, sed ad artium liberalium officinam referri notum est, Ita etiam Typographiam, nisi iniquissimi uelimus esse iudices,

Et ingratiſſimi cenſores erga eam, à qua plurima accepimus beneficia, ſuo quodam iure ad artificia liberalia referendam pronunciamus, idq; eo magis, quod ſcriptionem tum elegantia, tum celeritate, tum perpetuitate longe antecellat, & doctorum opera in correctionibus præcipue utatur, quo enim typographiam curantes ſunt doctiores, & melius & emendatius libros in publicum emittunt.

De differentia inter ſcriptoriam artem,
& typographiam, & iconographiam.

CAPUT II.

Eſi multa communia habent, tamen quedam inſignes differentie notari poſſunt.

Nam primo differunt autoribus, ſeu inuentoribus. Artificium enim ſcribendi literas inde à primis parentibus, qui ante diluvium uixerunt, originem trahit, id quod conſtat ex Iosepho & Beroſo. Græci Hiſtorici inter ſe diſputant de inuentoribus literarum Græcarum, & eam rem alij Cadmo, alij alijs adſcribunt, ſed non eſt dubium, quin ante Cadmum in uſu fuerit, & aliæ gentes à patribus licet mutauerint characteres, exemplum ceperint.

De inuentoribus uerò typographiæ dictum eſt ſupra.

Deinde in tempore etiam differentia eſt. Nam ſcriptoria & pictoria multis ſeculis in uſu fuit. Typographia uerò ſeculo ſuperiori primū cepit circiter annum, 1450.

Tertiò differentia eſt etiam in materiali cauſa. Nam ſcriptoria calamo & pennis utitur, & ſtylo: Typographia

phia uerò typis ex metallo fufis, & pluribus personis.

Quarò etiam forma differunt. Nam scriptoria literas & sententias successiue exarat. Typographia uerò literis, & sententijs ordine collocatis, simul integram paginam præli compressione absoluit.

Quinò differunt effectibus. Nam Typographia uno die plura, & quidem elegantius, quàm scriptoria uix in dimidio anno exaret, maioribus etiam impensis, & minus affabrè. Sicut Auentino referente, Aprutius scripsit, Imprimat ille die, quantum uix scribitur anno. Tribuuntur Vallæ isti uersus.

Abstulerat Latio multos Germania libros,

Nunc multo plures reddidit ingenio.

Et quod uix toto quisquam perscriberet anno,

Munere Germano conficit una dies.

An Typographia hominum, an uerò Dei,
sit donum, & inuentum.

CAPVT III.

Hæc questio nihil difficultatis habet. Quis enim non uidet, cum tot seculis ignorata sit, singulari Dei beneficio, propter repurgationem Ecclesiæ, & propagationem Euangelij contra Antichristi idolomanias, & tot sectarum corruptelas generi humano concessam esse typographiam. Omnia bona dona à patre luminum esse, Iacobus dicit. Et Paulus talia dona ad ædificationem Ecclesiæ necessaria Deo, & Christo sedenti ad dextram, & spiritui sancto ascribit, 1. Corint. 12. Eph. 4. Illis autem quid im-

B 5

pediat

pediat, quo minus Typographiam accenseamus, cum per eam scripta prophetia, & Apostolorum, pura doctrina, confessiones ueritatis, & refutationes errorum, in omnibus linguarum generibus longè latèque per orbem terrarum diuulgentur.

Singulare Dei beneficium erat donum linguarum, quod Apostolis, & alijs conferebatur, & proderat ad Euangelium in totum orbem terrarum disseminandum, & ad Ecclesiam colligendam in omnibus nationibus, & partibus mundi. Sed si Typographicum artificium diligentius contemplemur, constabit eo Euangelij cursum hoc nostro seculo non minus esse adiutum. Nam donum linguarum non adeò longo tempore uiguit, & non omnibus, sed tantum paucis quibusdam contingebat, nec poterant ij omnia tam subito peruolare loca. Sed Typographiæ beneficio, quæ in multis locis exercetur una Concio, aut unus liber ab aliquo pio Doctore scriptus, toties leui opera excusus breui temporis spacio in multa loca spargitur, et simul ac semel à plurimis legitur, quibus ueritatis notitiâ communicat. Non potuisset in tot locis tam breui tempore regnum Antichristi destrui, & tã latè uera Doctrina hoc nostro seculo spargi, nisi præ la Deo concessisset instauratoribus religionis. Viclephi & Ioannis Husi, et aliorum conatus in oppugnando, & reuelando Antichristo eò facilius repressi, & oppressi sunt à meretrice babylonica, quod prælorum beneficio destituti fuerunt, nec potuerunt tã facili ratione suam doctrinam in plurimorum lectorum animos insinuare et transfundere. Quare sicut Christus dono linguarum exornauit

suos

suos
disc
strin
purg
emic
esser
ornat
S
cum so
Dei be
ci etia
sapient

Ha
Denum
alijs 14

ingeni
runt, m
& imp
non pr
cile in

seri be
laribus

suos Apostolos, quo possent expediri per orbem terrarum
discurrere, & plantare Ecclesias: ita cum nostro seculo do-
ctrina Euangelij ab Antichristi tenebris, & erroribus re-
purganda, eaque tanquam fulgur, quod subito ab oriente
emicat usque in occasum, s. stinanter spargenda per orbem
esset, placuit Deo Ecclesiam suam isto artificio, & dono
ornare.

Nec obstat, quod supra diximus, Iohannem Faustum
cum socijs suis id Artificium primum reperiisse. Nam sine
Dei beneficio, & concessu id nunquam esset factum. Ethni-
ci etiam dixerunt artes esse donum Deorum, licet à uiris
sapientibus eas inuentas, & exultas faterentur.

Quando inuenta, & cur tot se-
culis ignorata.

CAPVT IIII

Hæc Questio supra in loco causarum est exposita.
De numero annorum uariant Authores, Alij annum 1440.
alij 1450 assignant, quo ars impressoria sit inuenta.

Quod autem nulli ex tot industrijs, & solertibus
ingenijs, in quæ per annos circiter quinquies mille extite-
runt, mentem uenerit typos literarum incidere metallo,
& imprimere chartæ, certum quidem est, sed cur Deus
non prius id inueniri artificium uoluerit non est mihi fa-
cile indicare, cum à consilijs ei non fuerim.

Etsi Deus semper generi humano communia con-
fert beneficia, tamen aliud seculum alijs, & quidem singu-
laribus ornauit bonis, siue spiritualibus siue corporalibus.

Qnd

Qui ante diluuium uixerunt, terræ frugalitatem & sacrificiorum incendia per ignem cœlitus demissum, præ aliis habuerunt.

Post diluuium populus Iudaicus legis promulgatione, & constitutione sacerdotii, & politiæ Mosaicæ donatus est præ aliis.

Postea secutum est aureum seculum, quo Messias est exhibitus, & facta propagatio Ecclesiæ etiam inter gentes.

Sequentia aliquot secula regno Antichristi fuerunt afflicta.

Tandem cum Antichristus esset reuelandus, paulatim Deus ad eam rem patefecit aditum, Typographiâ in Germania instituendo, artium & linguarum studia accendendo. Et sicut Deus non prius quàm nostro seculo uoluit Antichristum adeò aperte reuelari (licet subinde etiam superioribus ætatibus excitarent, qui Antichristum agnoscerent, & inclamarent.) Ita etiam non alio quàm isto tempore, quod reuelationem Antichristi uix 67. annis antecessit, pro sua æterna sapientia artificium Typographicum inueniri, & in lucem produci curauit.

Hæc à posteriori utrumq; colligi possunt, sed plures causas à priori qui cognoscere desiderat, eum remittimus ad scholam cœlestem, in qua Deum audiemus, & uidebimus à facie ad faciem.

Qui fuerint primi inuentores, & qua occasione eam inuenerint?

CAPVT V.

DE

De hac questione iudicari potest ex illis, quæ supra ex-
posuimus. Iohannes Faustus, & Petrus Schafferdes, Io-
hannes Guttenger, celebratur ab historicis inuectores.

Occasionem præbuit sculpendi facultas, & industria
aurificis. Cum enim alphabetum in æs incidisset Iohannes
Faustus, & obducto atramento in chartam impressisset,
cæpit cogitare eadem opera integras sententias posse scul-
pi & excudi. Quia uero difficultatem peperisset maxi-
mam integras sententias sculpere, necessitas & res ipsa do-
cuit, separatim typos literarum fieri, qui pro uocabulo-
rum ratione collecti, & collocati exprimerent sententias.

Catalogus illustrium Typographorum.

CAPVT VI.

Operæ precium est eorum memoriam conseruare, &
posteritati, qui hoc artificio siue inueniendo, siue excolen-
do rei literariæ profuerunt. Nomina ergo subiicimus. Io-
hannes Faustus, Petrus Schafferdes, Iohannes Guttenger,
Aldus, Bombergus, Robertus Swinter, Gryphius,
Eucharis Ceruicornus, Thomas Wolffius, Ascensius, La-
singrinus Vechelus, Colinaeus, Robertus Stephanus, Fro-
benius, Paganus, Bebelius, Renatus Beck, Heinricus Pe-
tri, Heruagius, Iohannes Oporinus, Gymnicus, Soter, Io-
hannes Amnerbach, Octavianus Scotus, Iohannes Pe-
treus Cratander, Victor Trincauellus, Hieronymus Sco-
tus, Quentelus, Valerius Doricus, Iohannes Montanus,
Iosephus Klug, Georgius Rhaw, Michael Lotter, Ambro-
sius Kirchner, Brubachius, & innumerabiles alii.

DE TYPOGRAPHIA
CATALOGVS LOCORVM
in quibus sunt officinae Typo-
graphicae.

CAPVT VII.

Nimis foret prolixum omnia loca enumerare, in quibus officinis Typographicis contigit hospitium. Quare tantum de insignioribus dicemus, & quidem nobis notis. Alij de alijs poterunt monere.

In Germania celebrantur haec loca: Moguntum, in quo primum inuentum hoc artificium dicitur, Argentina, Tubinga, Heidelberg, Ratisbona, Augusta uindelicorum, Vuormacia, Francofurtum ad Maenum, Vrsellae, Schleusinga, Noriberga picturarum editione, & richmorum celebris, Marpurgum, Erfordia, Dilinga, Vuiteberga, ubi Lutheri, & aliorum ante bellum germanicum praecleara impressa sunt opera, per quae puritas doctrinae coelestis propagata est, & regnum Antichristi expugnatum: Lipsia, quae initio sese repurgationi Ecclesiae opposuit, & pro Antichristo multa edidit, Sed postea scriptis pro defensione Adiaphorismi, & Maiorismi operam suam praestitit: Magdeburgum, quae scriptis contra Interim Augustanum, & Lipsicum, & contra corruptelas Adiaphoristicas, & Maioris praela sua cum magna Ecclesiae utilitate, & piorum omnium laude, alijs passim eius generis libros abhorrentibus commodauit adeo, ut museolum seu cancellaria Dei a quibusdam tum temporis uocaretur. Quamobrem etiam De ipsa illam ciuitatem confessione in media Cruce, & miracu-

losa
laud
phore
tos ci
ad O
cum
ribus
seniori
nomen
confess
rum pr
presti
nium, &
gelij co
In Helu
recenti
maiori
errorib
uitum.
In
sedes An
themat
tia, Ven
& alia
quae hij
in Sclan
theri St

losa

lofa liberatione coram tota Ecclesia illustrem fecit. Quā
 laudem, & gloriam utinam non generatio noua Carro-
 phorum de formasset sua in ministros Dei, & benemerita
 eos ciues impietate, & scriptis mendacibus, Francofurtum
 ad Oderam, ubi Sphinx Augustana, ne decessent exemplaria, *Sphinx Au-*
 cum Ecclesie damno, et dedecore recusa est. Iena, quae ope *ustana.*
 ribus Lutheri imprimendis iussu Iohan. Friderici electoris
 senioris martyris Domini nostri Iesu Christi, sibi laudem, et
 nomen comparauit: Islebiū patria Lutheri, ubi inter alia
 confessio contra corruptelas Ecclesiarum Mansfeldiacarum
 prodijt. Colonia, ubi inter alia Tomi Conciliorum im-
 pressi, utinam satis bona fide & integre, Antuerpia, Loua-
nium, cuius praela abusus à Sophistis passa, ueritati Euan-
 gelij cōtradixerunt. In Dania Hafnia, in Anglia Londiniū,
 In Heluetia Basilæa, Tyгурum, Berna, quae ueterum, &
 recentium innumerabilia opera in lucem dederunt, laude
 maiori digna, si non Sacramentariorum blasphemis
 erroribus in Ecclesiam spargendis praestitissent, turpe ser-
 uitium.

In Galliis Parisiū, Lugdunum, In Italia Roma,
 sedes Antichristi Apocal. 17. decretis, & bullis, & ana-
 thematizinis eius occupata, Bononia, Padua, Floren-
tia, Venetia, ubi Aldus argenteis typis opera Ciceronis,
 & alia philosophica excudisse fertur. In Austria Vienna,
 quae historicos aliquot in lucem dedit. In Bohemia Praga.
 In Sclauonia Labacum, quae Cathechismū, et alia opera Lu-
 theri Slauonice reddita characteribus ei genti notis hodie
 impria

imprimere, & ueram religionem per Dalmatiam & Turciam propagare dicitur.

In Polonia, Cracouia: In Borussia, Mons regius, Ostiandri errori propagando sociis, ac successoribus eius Voegelo & Fancio, & Iagenteufel præbuit sua præla:

Catalogus linguarum, quibus hætenus excusi promulgati sunt libri,

CAPVT VIII.

Variis linguarum generibus excuduntur passim libri, uti Hebræa, Arabica, Syriaca, Græca, Latina, Germanica, Danica, Italica, Hispanica, Gallica, Bohemica, Slauonica, Anglica, Polonica, Muscouitica, Turcica, Aegyptiaca, & similibus.

Catalogus operum typis excusorum.

CAPVT IX.

Nimis prolixum esset operum typis euulgatorum hætenus pertextere catalogum. Sed qui cupit ea de re sibi quoque comparare notitiam, is Lycosthenis, & Gesneri Bibliothecas legat.

Huc etiam catalogus tabularum Chronographicarum, & insignium imaginum, & picturarum, quæ typis sunt in lucem proditæ, pertinet, sed quis illi conficiendo par esse queat?

De modo fundendi typos.

CAPVT X.

Plumæ

Plumbum chalybe, & alijs metallis induratum lique-
faciunt, & in matriculas, seu literarum archetypos infun-
dunt, unde typi fiunt, qui leui opera, & mediocri industria
ad usum præparantur.

De Collocationis artificio.

CAPVT XI.

Iuxta ordinem alphabeti collocatores dispositos habet
typos in cistulas patentes, ex quibus alium post alium, pro-
ut requirit literarum ordo in dictionibus, promit, & cola-
locat ordine.

Qui in hac re operas faciunt, honestis aluntur sti-
pendiis, ac eos linguarum non prorsus rudes esse oportet.

Literarum differentia.

CAPVT XII.

Est etiam multiplex literarum differentia, quæ in
quantitate, & qualitate consistit, Aliæ enim aliis maiores,
aliæ minores, aliæ obscuriores, aliæ clariores sunt. Item a-
liæ latine, aliæ græcæ, aliæ hebraicæ, aliæ linguarum a-
liarum.

De papyri inuentoribus.

CAPVT XIII.

Chartam in urbe Tyri à quodam, cuius tamen nomē
ignoratur, inuentam esse, Polydorus Virgilius libro secun-
do de inuentoribus rerum capite octauo autumat. Fieri
autem solet ex linteolis contritis. Ante eius usum palma-

C rum so-

rum folijs scriptitatum est, teste Plinio, libro decimo tertio naturalis historiae. Deinde arborū cordicibus. Postea plumbis uolumnibus, et linteis, & cereis. Papyrus ab Alexandro post conditam Alexandriam in Aegypto ex frutice qui nascitur in paludibus Aegypti confectam esse, Marcus Varro opinatur.

De uarijs papyri speciebus
& signis

CAPVT XIII.

In officinis papyri usus est admodum necessarius impressoriae chartae uariae sunt species, & differentiae, quae sumuntur à loco, & à signis, Alia Francofordiana, alia Basiliensis, alia Argentoratensis, alia Vuernungerodensis, alia Tubingensis, alia Dresdensis, alia aliorum locorum, & ciuitatū. Alia insignia Aquilae, alia turris, alia urfi, alia corui, alia alterius rei memorabilis habet.

De differentia inter scriptoriam &
impressoriam chartam.

CAPVT XV.

Inter scriptoriam papyrus, & impressoriam differentia quaedam est. Nam impressoriam humidiores plerumque esse oportet, sed illam densiorem, & sicciorē, ne atramentum persuat.

DE

DE TYPOGRAPHIA
DE INSPECTIONE

35

CAPVT XVI.

Inspectio est potestas ab Ecclesia & Magistratu, quibusdam ecclesiasticis, & politicis uiris doctis, & pijs delegata, & commissa, qua libri, tum recens scripti, tum ex ueterum monumentis eruti inspiciantur, & examinantur, & censentur, an editio eorum, & impressio fieri possit, cum Ecclesie & Reipublice, pietatis, & honestatis commodo, aut detrimento.

Duplex autem inspectio est, Alia uera, & legitima, & tolerabilis, & utilis, Alia illegitima, & intollerabilis, & perniciosa.

Vera, & legitima, quae fit à uiris ab Ecclesia & Magistratu doctis, eruditione, pietate, fide, & dono discernendi inter uera, & falsa, inter necessaria & utilia, & non necessaria, & perniciosa scripta praeiudici, iuramento, aut simili obligatione obstrictis, quod summa diligentia uelint omnia legere, & expendere, & uera, & necessaria, & utilia scripta promouere in Dei gloriam, & Ecclesie, & Reipublice utilitatem, & non ex aliquo privato affectu impedire.

Illegitima est cum inspectores agunt ii, qui neq; ab Ecclesia, & Magistratu rite ad eam rem uocati sunt, neque eruditione, neque pietate, neque fide, neque dono discernendi uera, et falsa in religionis negotio praeiudici, neque iuramento, aut alia obligatione adstricti sunt ad diligentiam, & fidem, & qui uera, & necessaria scripta op-
C 2 primunt

primunt, & erronea, & blasphema, & contumeliosa
& iocosa promouent, in Dei contemptum, Ecclesie detri-
mentum, & Rerum publicarum incommodum.

Q VÆ C A V S Æ?

Legitima, & salubris inspectionis efficiens remota,
seu auctores sunt Ecclesia, & Magistratus. Nam utrius-
que est cauere, ne quid mali & perniciosi, præsertim con-
tra religionem, & honestatem in publicum prodeat, & ad
eam rem deligere homines idoneos, idque muneris legitima
eius commendare.

C O N T R A R I A E F F I -
cienti sunt.

Si soli Ecclesiastici sibi rapiant ius constituendi in-
spectores, ut Papa facit in regionibus sibi subiectis.

Aut si soli politici, & solæ Principum aulæ sibi ius
rapiunt suos quos uolunt Scribas, prælorum Magistros, &
scriptorum reformatores, de religione, quam parum intel-
ligunt, nihil autem curant, instituendi, & confirmandi,
cum id ius non ipsis solis sed etiam Ecclesiasticis personis,
Superintendentibus, & Pastoribus, & Synodis competat.
Ut enim iudicium de doctrina cælesti, & rebus ecclesia-
sticis à Christo Ecclesie commendatū est, 1. Corint. 14. ita
etiam inspectio scriptorum theologicorum, quæ pars quæ-
dam iudicii est, ad Ecclesiam simul pertinet, & nullo iure
à solis aulis, quæ si piæ sunt uix particula quædam, nedum
tota Ecclesia sunt, præripitur.

Efficiæ

DE TYPOGRAPHIE
EFFICIENS PRO-

37

xima sunt.

Viri docti, & boni dono iudicandi de uera religio-
ne præditi, & legitime ad inspectionem destinati. Ut au-
tem aliis legibus occasionem præbuerunt mali mores, ita
etiam libri hæreticorum, & scripta famosa, & contume-
liosa, & religioni, & Reipublicæ perniciofa effecerunt, ut
inspectio institueretur.

CONTRARIA EFFICIENTI

proxima sunt.

Si quis sine legitima uocatione id munus effecerit, siue
per ambitionem, siue per tyrannidem, siue alio animi
morbo.

Si non adhibeantur uiri boni, & docti, & pii, & gra-
ues, & religionem ueram intelligentes, & dono discernen-
di uera à falsis, utilia ab inutilibus præditi, nec iuramen-
to, aut alia obligatione solenni obstricti ad fidem & dili-
gentiam, sed Athei, & Epicurei, & inepti, negligentes, &
de fide laborantes, erroneis, & hæreticis opinionibus de-
diti, quales sunt inspectores, & inquisitores hæreticæ pra-
uitatis, apud Papistas, Adiaphoristas, & similes ueritatis
hostes.

MARTIALIS CAUSA.

Versatur autem inspectio circa scripta, tum ueterum
tum recentium autorum excudenda, aut publicanda.

FORMALIS.

C 3

Ad for

Ad formale causam pertinent conditiones, quæ præscribendæ erant inspectoribus.

Vt quod debeant omnia diligenter legere, & expendere.

Ad normam ueræ doctrinæ omnia accommodare, & uera ab erroneis discernere.

Necessarias confessiones, & corruptelarum refutationes imprimis promouere.

Necessarias peccatorum, & scelerum reprehensiones nullo modo impedire.

Item, ne propter personarum respectum abijciant utiles, & necessarios libros.

Item, ne calumniosa, & famosa scripta admittant sine nominibus autorum.

Contraria causæ formali sunt.

Impiæ leges, & conditiones siue præscriptæ inspectoribus, siue usu receptæ, Nimirum.

Vt caueant ne quid imprimatur, quod impugnet Papam, & totum eius regnum diabolicum. Hæc lex obseruatur in omnibus officinis Papisticis.

Vt concedant & promoueant omnia scripta, licet calumniosissima, & mendacissima, doctrinam Evangelicorum, seu Lutheranorum, ut uocant, & Principes, ac personas eorum, cuiuscunque ordinis, & dignitatis sint, oppugnantia. Hæc licentia Cochlei, Scaphyli, Lindani, & similium libri cum priuilegijs eduntur.

Vt caueant, ne quid contra Interim, hoc est, impias & blasphemias,

fucosas, & captiosas conciliationes religionum diuersarum edatur. Hæc lex in Sphinge Augustana & proposita, & subscripta est. Ac e contra omnia scripta interim laudantia, & defendentia summo fauore complectantur, & promant.

Vt caueant, ne quid contra Adiaphorismum, eiusque autores, & patronos publice extet. Hanc legem præter parthenopoleos plerique passim sanctè obseruabant illo tempore inspectores, & officina non sine grauissimo scelere, de quo in illo die rationem reddent ob talentum absconditum.

Econtra uerò dent operam, ut Pseuadiaphoristarum, & Neminiatarum, epistolæ, scripta, & libri maledici magna celeritate prodeant. Huius legis sedula obseruatrix erat Vuiteberga, & Lipsia.

Vt caueant, ne quid contra Maioris paradoxa, de necessitate bonorum operum ad salutem edatur.

Econtra uerò Maioris commenta, & pseudoreuocationes, & inuectiue, & alia corruptelis eius plena scripta longè latèq; euulgentur. Has utraq; leges præla Adiaphoristarum diligentissime etiam nunc hodie obseruant.

Vt caueant, ne quid contra synergiam Adamicæ uoluntatis in conuersione, eiusq; autores, & patronos prodeat.

Econtra uerò manibus pedibusq; promoueant Synergistarum commentarios, in quibus illæ grauissimæ corruptelæ spargantur, & defendantur.

Vt caueant, ne quid contra Anabaptistas, & Sacramentarios, tum ueteres, tum nouos, edatur.

Econtra uero summam adhibeant diligentiam, ut Caluini, Bullingeri, Martyris, Bezae, Boquini, Kleinewicci, Hartenbergii scripta, & Philippi, & Vitebergicorum iudicia, et similia de testamenti dominici uiolatione magna copia, ut zizania solent, proueniant. Has duas condiciones Heluetica praeta, & quaedam alia sedulo, & gnauiter obseruant.

Vt caueant, ne qua prodeant scripta, de disciplina Ecclesiastica rite instituenda, de Synodo congreganda, in qua controuersiae praesentes legitime cognoscantur, & componantur.

Vt caueant, ne in libris editis peccata magnatum Ecclesiasticorum, & politicorum, qualia sunt, idolatria, colubusio cum Antichristo, defectiones, abnegationes, & peruiuria persecutiones, & oppressiones ministerii, institutio noui Papatus, iniusta bella, proditiones, rapinae, auaricia, expilationes subditorum, uenationes immodicae, mendacia, adulteria, nominatim uel obiter perstringantur a Spiritu Dei arguente mundum Iohan. 16.

Vt caueant ne praesentium temporum uera historia prodeat, in qua uirtutes, & uitia, pia & impia facta ueraciter commemorantur.

In summa, ut Spiritui Sancto iniiciant frenum, ne ueritatem ita ut par erat, & necessarium ad salutarem hominum conuersionem, dicat, sed uel aduletur, uel obmutescat. Haec, & similes conditiones impiae sunt, quia ueritatem, & gloriam Dei opprimunt, & mendaciis omnia replent, & Ecclesiis, & rebus publicis iram Dei, & exitium afferunt.

Finalis

FINALIS.

Fines legitimæ inspectionis sunt uerus praeceptorum usus,
 & ne quid in religionis, ueritatis, & honestatis detrimen-
 tum deur in publicum.

CONTRARIA FINALI SVNT.

Sub prae-textu inspectionis utilium, & necessariorum
 librorum impressionem remorari, et impedire, & opprimere.

Ac econtra erronea, blasphemata, magica, famosa, scur-
 rilia, & Ethnica, iocosa, & impudica promouere scripta,
 ut in multis locis fit, in quibus conditiones impiae, de qui-
 bus paulo ante, obseruantur.

QUI EFFECTVS.

Legitimæ inspectionis effectus sunt iuuare illustrati-
 onem, conseruationem, propagationem ueræ, puræ, & syn-
 ceræ doctrinæ, & impedire errorum, & corruptelarum
 propagationem, & defensionem.

Iuuare confessionem ueritatis, & refutationem errorum.

Et impedire ea, quæ ueræ confessioni sunt contraria,

Impedire blasphemos, famosos & contumeliosos libel-
 los hereticorum, Neministarum, & seditiosorum hominum.

Cauere, ne falsis dogmatibus scandala & dissidia ex-
 citentur.

Verum, & salutarem consensum, & concordiam in
 doctrina Christi promouere.

Cauere ne contumeliosis, & famosis scriptis pax pu-
 blica turbetur.

Promouere ueram, & necessariam disciplinam Ec-
 clesiæ

ecclesiasticam, iuuare ædificationem Ecclesiæ in concionando
ad poenitentiam impijs, & sceleratis.

Cauere abusus, & oppressiones prælorum.

Prodesse Ecclesiæ, & Reipublicæ, & posteritati.

Iuuare repressionem, & confusionem impiorum condæ-
suum, quos falsa Ecclesia cum uiris huius seculi subinde ex-
cogitat, & molitur.

CONTRARIA SVNT.

Iuuare errorum, & corruptelarum propagationem, &
defensionem.

Promouere ea, quæ ueræ confessioni sunt contraria.

Promouere blasphemos, & famosus, & contumeliosos
hæreticorum libellos, ut faciunt inspectores inter Papistas,
& Adiaphoristas.

Permissione librorum hæreticorum, & corruptelarum
præbere causam scandalis, & dissidijs Ecclesiæ.

Necessarias conciones poenitentiae, & reprehensiones
peccatorum impedire.

Promouere conatus impios politicorum contra mini-
sterium, & disciplinam Ecclesiæ, ut sunt uaria decreta de
formulis religionum, de compositione controuersiarum per
amnestiam, de formulis illegitimis Consistoriorum, & uisi-
tationum, nimirum quæ non congruunt cum uerbo Dei, &
Ecclesiæ libertate.

Exercere uarios abusus, et oppressiones prælorum, ut fit
in edictis illis, ne quid in exteris etiã regionib. uspiã impri-
matur, nisi prius à se approbatum. Quasi uerò in alijs locis
non etiã

non etiam sint inspectores, & periculum non potius cadat in scriptorem, quam in inspectorem, uel approbatorem.

Necessariorum scriptorum inhibitione, et inutilium permissiōe turbare, et claudere Ecclesie, et Reipub. commoda.

Libellos ad inspiciendum missos non modò non admittere, sed etiam iniuste detinere, & autori nolle restituere. Quod si non furtū, certè uis iniusta est uirū bonis indigna.

Affligere Typographos testimonia ueritatis ad Dei honorem & proximi utilitatem promouentes, & interea publica lupanaria fouere, & sodomitica scelera impunita dimittere.

QVAE COGNATA?

Cum inspectione librorum edendorum cognitionem habent inspectiones aliarum rerum, ut Ecclesia, Reipublica. Sed non est difficile differentias inuenire.

QVAE OPPOSITA?

Legitimae inspectioni opponitur illegitima inspectio, de qua supra diximus. Ea autem fit uarijs modis.

1. Cum personae non habent legitimam uocationem ab Ecclesia, & Magistratu.
2. Deinde cum non sunt idoneae ad id officium, ut sit, cum sutores, & cereuisiarum coctores constituuntur inspectores, qui uix inter cereuisiam, & aquam, nedum inter uerum, & falsum in religione discernere possint.
3. Cum ea provincia demandatur illis, qui aliàs satis habent quod agant, & non possunt huic negotio uacare, qui pertasi laborū, et quod non capiunt inde multū commodi,

Regis

negligentiſſimè inſpectioni præſunt. Hoc fit, ubi tantum aulici, Conſiliarii, Scribæ, & Curiales, & iureconſulti inſpectores agunt, ut docet experientia.

4. Cum non iureiurando aut ſimili obligatione aſtringuntur, ut gloriæ Dei, & confeſſionis ueritatis, ædificationis Eccleſiæ habeant accuratiſſimam rationem, nec certæ leges præſcribuntur, ſed omnia ipſorum uoluntati, & aſſectibus relinquuntur, ut quæ uelint admittant, quæ propter perſonas non placeant, impediant.

5. Cum inſpectores non bona fide agunt, ſed contra religionem, pietatem, & honeſtatem promouent erronea, blaſphema, contumelioſa. Item cum claudunt prælaſcriptis ad religionis, & ueritatis propagationem pertinenſibus, ſaltem ne offendant hæreticos, aut magnos Dominos, & recludunt ea ethnicis, & philoſophicis, iocoſis etiã, & ſcurrilibus libris, ſicut multis in locis Aëſopus, Eulenspiegelus, Cornelius Agrippa, & ſimiles autores locum habent, ac ſacra Biblia, & confeſſiones ueritatis exulant.

Porro iſtam illegitimam inſpectionem coram Deo nã excuſat uetus conſuetudo in aliorũ exempla, ſicut quidam ocioſe ſomniant. Nam eodem argumento lupanaria excuſari poſſunt, de ueteri enim conſuetudine ethnica in multis magnis ciuitatibus tolerantur contra magiſtratus officiũ, in pietatis & honeſtatis, & ſalutis detrimentum. Nam ut conſules & ſenatus in magnis ciuitatibus lenones agant, prohibitum eſt, Rom. 13.

An lite.

An literati, & præsertim Theologi legitimæ
inspectioni suos libros subijce-
re debeant.

CAPVT XVII.

Etsi sua natura libera sunt præla, tamen legitimæ in-
spectioni pertinenti ad præla eius loci, ut hætenus eam de-
scripsimus, literati omnes facile sese subiiciunt. Quis enim
non eam Ecclesiæ, & Magistratui, cuius autoritate illa le-
gitimè sit, præstet obedientiam?

Deinde nemo ex doctis est adeò arrogans, qui non
cupiat alios doctos, & probatæ pietatis uiros, bona fide,
quid desyderent indicantes habere censores, modo nihil si-
ne ratione ex uerbo Dei assignata uituperent, aut impedi-
ant, & liceat ab ipsis ad aliorum præla, & iudicia trans-
ire.

Tertiò, ut pii et docti uiri suis scriptis Ecclesiæ Reipub-
licæ quærunt commoda, ita facile possunt pati, ut legitima
de ijs ex uerbo Dei exerçantur iudicia, an sint uera, & u-
tilia, an uerò secus,

Quartò norunt spiritus Prophetarum, ipsis Prophe-
tis subiectos esse debere, ac in Ecclesia eam à Deo potesta-
tem factam esse singulis, ut probent omnia, & bona tene-
ant, mala uero abijciant. Quare non molestè ferunt legiti-
mas censuras eorum, qui uocati ab Ecclesia & Magistratu,
ad eam rem destinati sunt, cum alias oporteat singulorum
subire iudicia, præsertim cum illi non impediunt, sed pro-
mouent bona, & salutaria scripta.

An li.

An literati, & præsertim Theologi illegitimæ inspectioni suos libros debeant subijcere.

CAPUT XVIII.

Vt ea, quæ legitimè, & rectè fiunt, nemo improbare debet, ita quæ contra fiunt, nullo modo pie approbari possunt, siue re, siue uerbis, siue silentio. Nam Dei mandatum est, ne dicas falsum testimonium. Item uerba quæ malum bonum, & bonum malum dicit.

Deinde quis, Christianus, præsertim Theologus tenetur Ecclesiæ ius suum cõseruare, & cauere, ne quid de eo imminuatur. Cum autem inspectio illegitima Ecclesiæ suo iure, & commodis priuet, ut in superioribus est indicatum, quis pius bona conscientia suos libros ei submittat.

Tertiò illegitima inspectio nihil aliud facit, quàm quod spiritui sancto frenum iniiciat, eos obturet, ne dicat ueritatem. Cum autem oporteat cuilibet Ministro Dei os, & stylum liberum esse ad dicendam, & scribendam ueritatem, sine hominum respectu, iuxta dictum, Exalta uocem tuam sicut tubam, Clama ne cesses. Item, iusta tempestiue, & in tempestiue, argue, & increpa grauitè, Et, Peccantem coram omnibus argue, qua conscientia quis poterit in eiusmodi seruitutem consentire, ne quid edat, nisi prius concessum ab illis iniustis prælorum oppressoribus.

Quartò, Theologum oportet prælorum illegitimam illam occupationem per uiros politicos, et tyrannidè, et inauditam crudelitatem, ueritati, cõfessionì, et posteritati nocentem reprehendere, Quomodo ergo ipse suo exèplo eam comprobet?

Quintò

Quintò quid proſit literato, ſi ſuos libros illegitime inſpectioni ſubiſciat, cum nihil aliud inde reportet, quam moleſtiam. Nam illi iniuſti cenſores ſcripta illa, quæ ad gloriam Dei, & propagationem ueritatis, & corruptelarum reſutationem, & ſalutarem impiorum conuerſionem pertinent, uel prorsus ſine omni probabili, nedum pia, & firmatione reiſciunt, aut tenebris cuſtodienda, aut timeis deuoranda tradunt, interea ſpe uana lactantes autorem, de editione ad Calendas Græcas futura.

Sextò, Omnia illa ſcelera, et peccata quæ ab illegitimis inſpectorib. perpetrâtur in ueritatis oppreſſione, mēdacij et corruptelarrum, & calumniarum propagatione confirmari neceſſe eſt ab ijs, qui ſeſe talibus ſubiſciunt ſine iuſta proteſtatione, et exceptione, quod non poſſimus ea, quæ ab iſſis præter ius et æquū ſiunt probare, & quod nolimus eorum præiudicijs aſſentiri ſi contra uerbum Dei, & ſine uſis, & certis rationibus pronuncient.

CAPVT XIX.

An bona conſciētia Magiſtratus poſſint literatis, et maximè Theologis imperare, ne quid ſine ſua inſpectione, & cenſura prælis in ſua ditione excudant.

Quenque Magiſtratum habere rationem prælorum ſuorum, & cauere, ne quid contra pietatem, et honeſtatem prodeat in uulguſ, id non impugnatur, ſed cum non tantum ad Magiſtratus, uerum etiam ad Eccleſiam ſimul ius inſpectionis pertineat, quia inſpectio ſit pars iudicij de doctrina, quod Chriſtus Eccleſiæ ſuæ delegauit,

non, de

non decet politicos viros totum illud ius rapere, & usurpare, verum cum Ecclesie, & Ministerij, seu Superattendenti-um, & Pastorum consensu talia decreta facere, & idoneis hominibus id officium demandare. Quod si non fiat, sed Magistratus id ius sibi soli, & Aulicis suis adeo ascribat, ut Doctoribus, & scriptoribus Ecclesie edicat, ne quis prius confessionem suam, aut scripta de religione edat, quam id ei à se, & Aulicis suis, religionem uel non intelligentibus, aut carnaliter, & politicè de ea iudicantibus, sit permissum, grauissimè ea in re peccat.

Primum quia agit contra mandatū Dei, Non furtum facies. Sacrilegiū enim committit, dum Ecclesiā, quæ habet ius de doctrina, & scriptis, & operibus ministrorū & doctorū suorū, 1. Cor. 14. iudicandi, suo iure priuat, & id ad Aulicos partim non idoneos, partim alijs rebus occupatos, partim impiè de religionis negocijs iudicantes transfert. Sunt quidem gubernatores politici, si amplectuntur synceram doctrinā, etiam membra Ecclesie, ac habent potestatem probandi Spiritus, ut alij singuli Christiani. Verū sicut non licet alijs Christianis singulis totū ius sibi adscribere, ita ut Ecclesie uel præiudicetur, aut suum ius præripiatur, Sic nec pijs gubernatoribus licet ideo, quia Christiani sunt, multò minus ideo, quia Magistratum gerunt sibi solis exclusa Ecclesia rapere potestatem interdicens, quæ scripta edi aut op-primi debeant.

Secundò agit contra suum officium. Nam Magistratus debet esse custos utriusque tabulæ, & operam dare, ut Ecclesia, & p̃i ministri retineant eam libertatem, quam

re, ut Ecclesia, & p̄i ministri retineant eam libertatem, inquam à Christo acceperunt, nimirum uoce & stylo ueritatem Dei propagandi, & propugnandi, contra errores, & corruptelas sanæ doctrinæ, sine ullius hominis, aut etiam Angeli respectu Ga. 1. Tit. 1. 1. Timoth. 5. 2. Timoth. 3. Esa. 58. At quid illi faciunt aliud, qui de suo tantum peruerso arbitrio, & nutu uolunt Doctorum Ecclesiæ scripta ad confessionem, & propagationem ueritatis, & conuersionem hominum necessaria, stare, aut cadere, exprimi aut opprimi, euulgari, aut occultari, quàm quod contra suum munus sibi diuinitus mandatum se Dominos decalogi constituent, & contra Dei interdictum Ecclesiæ Doctoribus, atq; adeò Spiritui sancto, leges dicent, et capistrum, aut frenum iniiciant, ac imperent, ne quid doceat, aut scribat ad Ecclesiæ ædificationem, sine suo iussu, aut concessu.

Tertiò, quia confundit discrimina, & metas uocationum Ecclesiasticæ, & politicæ, & instituit nouum imperialem Papatum. Deus enim Magistratum, & ministerium uerbi distinxit, & sua cuique iura, & officia præscripsit, quæ si utrinque seruantur, rectè Ecclesia, & Respublica curatur, & neutra alteram impedit, sed potius se mutuo iuuant.

Ministrorum Ecclesiæ iura sunt doctrinam puram, & sinceram uoce, & stylo plantare, & propagare, & sacramenta rectè administrare, pro se & populo orare, & bono exemplo gregi præire.

Secundò arguere, damnare, & si necessitas postulat, excommunicare uoce, & stylo peccata, & peccatores, contra pri-

D

tra pri-

tra primam, ut sunt Idolatræ, erronei, heretici, pseudodoctores, blasphemi, incantatores, abnegatores ueritatis, contemptores uerbi, & Sacramentorum, & similes: & secundam tabulam, quales sunt Tyranni, oppressores, & persecutores, homicidæ, proditores, adulteri, scortatores, auari, usurarij, fures, prædones, falsi testes, conuiciatores, mendaces, iniusti occupatores bonorum alienorum, & similes.

De his singulis ministri ius Dei præscriptum habent, & non tenentur ullius hominis, siue Magistratum gerat, siue priuatus siue auctoritatem, aut edictum expectare, & curare, sed Dei mandatum sedulo exequi.

Quod si faciunt commodum Reipublicæ non impediunt, sed promouent. Nam homines uerbo Dei instructi, piè, & honorificè de Magistratu sentiunt, eiq; ut Dei ministro libentius parent, et fidelius imperata præstant, et propter pietatem sibi à sceleribus cauent, atq; ita minus negotij successunt suis gubernatoribus, imò sua oratione pro Magistratu, & uera pœnitentia, & pia conuersatione multa mala impendentia, & exitium Rebuspublicis minantia auertunt, aut mitigationem præsentium impetrant.

Ac falsissimum est quod impij Monarchæ, aut gubernatores somniant, quod si Ministris Ecclesiæ non injiciant frena, & non præscribant eis quid, & quomodo docere, & clauas administrare debeant, ad seditionem fundamenta iaciant, & Magistratui habenas, & clauas gubernaculi excutiant.

cutiant. Nam Ministri Ecclesie intra metas sue uocationis sese continentes, & iuxta Dei præsceptum, & mandatum docentes, & clauēs, & sacramenta administrantes, nihil eorum faciunt, quæ Magistratus potestati quicquam derogant.

Deinde ipsi Ministri cum sua uita, & bonis, & rebus externis subiecti sunt illis. Ac testatur experientia ueros, & synceros Doctores, eorumque auditores, nunquam mouisse seditionem ullam. Sed falsa dogmata profuentes, eis quæ addictos ad naturam Sathanae accedentes, & mendaces, & homicidas, ac seditiosos fuisse, omnium temporum historiæ comprobant. Ac nostrum seculum in Thoma Monetario, & Anabaptistis Munsterianis, & nunc in Bremen sibus tristia exempla uidet.

Magistratus politici iura sunt esse custodem Decalogi, & nutrimum Ecclesie, & honore afficere opus bonum, & bene agentes, ac terrori esse malo operi, & uindictam exercere aduersus male agentes, Rom. 13.

Non debet Magistratus Dominus esse, aut euerfor Decalogi, & sibi rapere ius, decreta de religione, de cultu Dei, de Ecclesie gubernatione, de modo docendi, & administrandi clauēs, præscribendi Ministris Ecclesie, sed dare operam, ut pura, & sincera doctrina propagetur, & religio à ministris Ecclesie, & sacramenta, & clauēs, & quæ ad gubernationem Ecclesie pertineant, eo modo, ut in uerbo Dei præscri-

ptum est administrantur, & honorare Ministros, fideliter suo munere fungentes, Terrere autem contrarium agentes, ut sunt heretici, & blasphemii, & abolere idolatriam suis subditis nocentem.

Deinde Magistratus est administrare Rempubicam iustis legibus, & conservare disciplinam externam, & pacem, & in uiolatores legum, & discipline, & turbatores pacis suo nervo, & gladio animaduvertere, Rom. 13.

Intra has metas dum Magistratus sese continent, gloriam Dei, & Ecclesie aedificationem, & propagationem iuvant, & mutuam illam coniunctionem diuinitus inter Ministerium & Magistratum sancitam conseruant.

Deus enim utrosque hoc modo sibi inuicem copulauit, & subiecit.

Ministri Ecclesie suis fortunis, & externis, & politiciis actionibus, & corpore ac uita sunt legibus Magistratus subditi, & ab eo tanquam ministro Dei, si bene agunt, honorem, si male, terrorem, & poenam expectant.

Sue autem conscientie, & fidei, doctrine, & confessionis, & operum uocationis sue, non Magistratum agnoscunt Dominum, nec ab eo quid, & quomodo in ministerio agere debeant, noua decreta accipiunt. Sed à Deo pendent qui Dominum conscientiarum sibi uendicat, & modum docendi, sacramenta, & clauas administrandi, & cetera officia ministerij certo uerbo præscripsit.

Si quid uerò Magistratus illis in rebus desyderat, tenentur quidem ei reddere rationem doctrine, & factorum suorum in Ministerio, Ita tamen, ut non iuxta ullius hominis ar-

nis arbitrium, sed iuxta Dei uerbum de ijs iudicetur.

Econtra Magistratus ministerio diuinitus instituto sua conscientia, & anima sunt subiecti, tenentur ab ipsis uerbum Dei audire, & suscipere, disciplinae ecclesiasticae, seu clauibus se submittere, & sacramentis uti, pie uiuere, & alijs bono exemplo praere, & scandala cauere.

Deinde Christo portas aperire, & plantationem Ecclesiae iuuare, & quae eam impediunt, remouere.

Porro ista harmonia diuinitus sancita, & distincta officia commiscantur, & confunduntur, si Ministri Ecclesiae sibi ius Magistratus arrogant, eorumque iurisdictioni sese eximunt, ut fecit Antichristus Romanus: Aut econtra, si Magistratus ius ministerij sibi rapiant, & iurisdictioni sese eximant, quod fit cum inconsulta Ecclesia, & in fraudem ministerij, decreta faciunt, nihil docendum, aut scribendum, aut edendum à Ministris, & Doctoribus Ecclesiae esse, quod non ipsi prius approbarint. Item, Cum sua suorūque etiam atrociora, & manifesta delicta argui, & damnari iuxta Dei praescriptum uetant.

Verum ubi Deus, aut Ministris Ecclesiae praecipit, ut nihil doceant & edant, nisi prius à Magistratu iuxta aulicam, & carnalem sapientiam approbatum: Quis Prophetarum, aut Apostolorum, Principum, & Regum, & politicorum Dominorum consilio, & consensu, & decreto ministerium suum obiuit. Imo Prophetae, & Apostoli contra Magnatum edicta, & decreta, ueritatem, ut à Deo iussi erant, proposuerunt publice, usi hac regula, Oportet Deo magis obedire quam hominibus, Act. 5.

D 3 Deinde

Deinde ubi Deus Magistratui hoc ius dedit, ut Ministris Ecclesie ex suo cerebro decreta uerbo Dei contraria de doctrina, & administratione clauum, & sacramentorum, & alijs officijs ad Ministerium pertinentibus prescribant? An non Deus ipse illa omnia prescripsit, quae à Ministris suis uult fieri, per Iesum Christum, quem solum uult audiri, ac post eum uocem illius sonantes. Mat. 10. & 17.

Si autem Deus neq; Ministris suis mandauit, ut exspectent Magistratus auctoritatem, & noua decreta quid docere, aut facere in ministerio suo debeant siue uoce, siue stylo, neq; Magistratui id munus commisit, ut talia faciant, quis est tam habetis iudicij, qui non intelligat, isto modo à politicis nouum Imperialem Papatum, quem Germanorum Prophetæ Lutherus sæpe prædixit, contra Dei uerbum institui?

Sicut enim Pontifex Romanus sibi ius gladij corporalis, quod Magistratui est à Deo commissum, arrogauit contra edictum Christi, Principes gentium dominantur, Vos autem non sic, ac eo multis modis abusus est, ad Regum, & Caesarum oppressionem, & politiarum, & Ecclesiarum euerfionem, Ita nunc Gubernatores politici, seu potius crudeles Tyranni, ius gladij spiritualis, qui Ecclesie, & ministris eius diuinitus est commendatus Ioh. 20. Mat. 18. rapiunt, eoquæ ministerium opprimunt, & plantationem, & propagationem ueritatis, & salutarem hominum conuersionem impediunt, dum non ex Dei prescripto, sed secundum suam sapientiam, uel potius stultitiam humanae regulas, ora, & stylos Ministrorum Dei, et Ecclesie agere imperant,

& se

et se suosque iniustos questores, & imprudentes Consiliarios constituunt Episcopos, & summos Dictatores ministrorum, & gubernationis Ecclesiasticae, ubi de puritate doctrinae, de clauibus, & sacramentis, de uera cura animarum, de confessione ueritatis, & oppugnatione haeresium, de editione librorum ad Ecclesiae aedificationem utilium, & si milibus rebus Ecclesiae iudicandum est.

Sicut autem Deus, et Ecclesia Antichristum Romanum damnat, & execratur 2. Thes. 2 Apoc. 14, & 18. Ita absque dubio extreme detestatur illum nouum Caesareopapatum, ut Lutherus nominat, in quo politici uiri sese in templum Dei collocant, et contra Deum, ac Ecclesiam sese efferrunt, & se pro Deo ostentant, dum noua decreta ministerio à Christo ordinato contraria condunt, & promulgant, ac sub pena exilij, & damnationis seruari uolunt.

Nos reges, Principes, Consules, etc. Imperamus uobis Ecclesiae ministris, ut iuxta formam, quam uobis praescribimus doceatis, Quia nos sumus custodes utriusque tabulae, et habemus potestatem nouas formas docendi praescribere, quo pax, et concordia seruetur inter dissentientes. Item hunc librum, hoc corpus doctrinae, ab isto homine praescriptum debetis suscipere, et per omnia probare. Si quis contra aliquid disputauerit, eum concilium nostrum damnabit, et nos eum proscribemus. Non enim potuit autor illius uoluminis errare, eiusque scripta iure canonicis, et authenticis aequi parantur.

Item, Cum docetis de Cæna Domini, non debetis di-

D 7 cere

cere, in Cœna in, & cum pane exhibetur uerum, et substantiale corpus Christi, quod in cruce pependit.

Item ne quem in Confessione examinatis, quid de capitibus doctrinæ controuersis sentiat. Nam id esset conscientie carnificinam instituire. O scelus.

Ne quem ab absolutione, aut baptismo, aut cœna suspendatis, aut remoueat, nisi prius in aula, & consistorio nostro accusatum & damnatum nostra sententia. Nam secus faciens infamat homines, & Magistratui regalia sua præripit. O impietatem Pontij Pilati iniquitatem, & tyrannidem exuperantem.

Ne quem scandalosum peccatorem iubeatis cum Ecclesia, & offenso fratri reconciliari denunciatione ex suggestu, quod lapsus agnoscat suum delictum, & petat ne quis suo malo exemplo innitatur. Nam hoc est humanis traditionibus onerare conscientias.

Item ne in publicè delinquentes, & à Magistratu punitos exerceatis censuram Ecclesiasticam. Nemo enim debet duplicem pœnam pati.

Item ne hæreses, & hæreticos, nimirum Papistas, Pseudoadiaphoristas, Synergistas, Victorinianos, Maioristas, Sacramentarios, Stenckfeldianos, Osiandristas, & similes errores publicè damnetis. Nam ista non faciunt ad edificationem, sed tantum irritant homines, & Magnatum odia conciliant, et disidia augent, Et scriptum est, Nolite iudicare, & non iudicabimini. O reformatores Ecclesie Dei, ubi manet illud Matth. 7. Caute uobis à Pseudoprophetis, Item Probate spiritus an ex Deo sint.

Item

Item non debetis neq; nostris, neq; externis praelis e-
dere ullum scriptum, siue contra Antichristum, siue contra
aliorum hæreticorum corruptelas, nisi de nostra uoluntate
& consensu, Et quamuis nos nullis rationibus fuli, in patro-
ciniū Antichristi, & aliorum erroneum, scripta uestra mo-
ra censuræ, & situ, & incarceratione oppresserimus, ac e-
contra libris eorum, qui corruptelas ferunt, & ueritatem
corrumpunt, & uenena propinant incautis, & uineam Do-
mini uastāt, omnes fenestras, & aditus patefaciamus, tamē
non debetis nos impietatis & defectionis à uera doctrina,
& declinationis ab exemplo nostrorum maiorum argue-
re, & damnare. Nam & nos Spiritum Dei habemus, & er-
rare non possumus, nec quenquam ferre uolumus, qui nobis
contradicat, & quicquam præscribat.

Possset similitum decretorum Cesareopapatus longus
texi catalogus ex historijs, & actis Ecclesiarum sub E-
uangelicis Dominis, nisi prolixitatem uitaremus, & non
aliam occasionem expectaremus,

Quartò, Quia tyrannidem exercet in libertatem Ec-
clesiæ à Christo partam. Nam Deus omnium piorum, maxi-
mè uerò Theologorum uocem, & stylum in offerenda, &
propaganda, & defendenda ueritate, quæ est commune pa-
trimonium Ecclesiæ, uult esse liberam, & præter iudicium
Ecclesiæ, ad normam uerbi Dei faciendum, nullius hominis,
aut Angeli auctoritati, & imperio ita subiectam, ut de eius
arbitrio fiat, aut intermittatur, Gal. 1.

Et hanc libertatem Dominus noster Iesus Christus suo
sanguine Ecclesiæ suæ comparauit, & nunc sedet ad dex-

teram patris, ut eam tueatur contra illos Tyrannos, qui conantur seruitutem illam Aegyptiacam imponere ministerio suo, ne quid dicat, aut scribat à se non prius approbatum, ac permixtum.

Nihil Deus in Ministro, et Doctore Ecclesiae magis desiderat, quam ut liberè scribat, aut dicat, quae ad Dei gloriam, et Ecclesiae adificationem pertinent sine ullius hominis respectu. At illi Tyranni se prius Consuli uolunt quid docere, aut scribere debeant, et ex suis cerebris politica sapientia, seu potius insipientia plenis decreta dictare praesumunt de rebus spiritualibus, quas parum intelligunt.

Quintò, Quia πολλοι αγαρμοςις uicium grauissimum incurrant, dum neglectis ijs, quae propius ad ipsos pertinebant, aliena curant.

In administratione Reipublicae satis quod agant habet legibus condendis, litibus componendis, bonis defendendis, et coercendis, ac puniendis sceleratis. Hec si sedulo, et gnauiter tractarent, negotij, et molestiarum satis capefferent, nec affectarent Ecclesiae administrationem, quae illis non est commissa. At quia oia agant, et Consiliariis suis plerumque impietate, et auaricia, et naturali odio aduersus Ministeriũ inflammatis, omnia committunt, cū magno suo, et subditorũ detrimento, ideo sibi, uana persuasionem inflati, quasi ipsi sint in rebus religionis omnium peritissimi, et dona habeant discernendi spiritus, et praeter alijs inde usque à proauis possideant spiritũ sanctũ, ius rapiunt contra Dei uoluntatem et contra Ecclesiae consensum dictandi ministris Ecclesiae, hunc librũ debes edere, illũ nõ debes edere, quia nobis nõ placet.

placet. Et si enim uerbo Dei omnia in illo probantur, tamen ne offendantur Magnates, nec accersatur periculum, ne ueniant Romam, ne augeatur dissidium, ne excitentur hæretici, & respondeant, ideo imperamus pro nostra maiestate ne des in publicum. Satis pro imperio, egregiæ sanæ rationes, non ex uerbo Dei, sed ex mundi stultitia, & ceca philosophia, seu ex iuris prudentia promanantes, quas nisi Spiritus sanctus approbauerit, paratum ei exilium est. Iesus Christus erat omnium prudentissimus, & ad iudicandam causas politicas potentiam, & dona habebat præstantissima, tamen intra metas suæ uocationis sese continet, & postulanti, ut sibi & fratri ius dicat, respondet, Quis me constituit iudicem? Sic Politici Domini cum suis aulicis debebant cogitare, Quis me constitui dictatorem Ecclesiæ, ut mihi liceat Ecclesiæ ministris præscribere, quid docere, aut edere, & quid omittere debeant, Sed dum secundum Dei præscriptum suo funguntur officio, nullū in illos ius habeo.

Sexto. Quia uiolant perpetuam consuetudinem Ecclesiæ, quæ à pijs Magistratibus semper est obseruata, ut patet ex historiis, & legibus Imperatorum, nimirum, ut de doctrina, & rebus ecclesiasticis, & de libris edendis, non solum politici Domini, ut isti faciunt, sed Doctores Ecclesiæ res illas intelligentes, & donis ad eam rem à Deo ornati censerent, & iudicaret. Rectè ille dixit tum fore artes beatissimas, si tantum illi de iis iudicaret, qui earum peritiam, & cognitionem habeant: At multò melius res Ecclesiæ haberent, si tantum eas intelligentes, iuxta Dei uerbum, & non iuxta distorta rationis & phis

et philosophiæ præiudicia tractarent, et si controuersie ex præscripto uerbi Dei, et non iuxta hominum carnalium placita dirimerentur.

Septimò: Quia multum nocent suæ politicæ administrationi hoc pacto. Nam si quid aliquando editum fuerit contra aliquem Tyrannum, sicut interdum fieri necesse est, tū ille irascetur non scriptori, sed Domino illius loci, quem no uerit omnem potestatem prælorum ad se traxisse, ac colliget non sine eius consensu id fieri, eaq; occasione mouebit bellum.

Octauò, Quia tali ratione multum nocent ueræ religioni, et Ecclesiæ plantationi, et posteritati. Nam ad ueram religionem propagandam tum ad alios, tum etiam ad posteros, et ad regnum Diaboli eneruandum, et ad impediendum errores, et impios cultus, opus est libera confessione, non tantum quæ ore fiat, sed etiā quæ stylo. Quod quidem adeo planum est, ut nemo negare possit. Id enim confirmat experientia, et historia ecclesiastica. Nisi enim Apostoli, et eorū successores, et Patres stylo, et libris editis hæreticorum opiniones, et errores refutassent, et ueram doctrinam defendissent, quid quæso posteritas de ueritate nosset. Quæ enim uoce tradiderunt obliuioni tradita sunt, sed scripta eorum à posteritate lecta sunt, ac Dei beneficio ueritas tandē apud aliquos obtinuit uictoriam. Quod si tum soli Magistratus, et Aulici impij ad sese ius edendi libros traxissent, ut hodie fit, et propter aulicas rationes impedissent necessarias confessiones, quæ à Doctoribus eius seculi sunt editæ, an non obstitissent propagandæ

gandæ ueritati ad posteros? An non iure accusari possint prodiæ ueritatis? An non posteri de ijs iure querantur, quod illorum tyrannide priuati sint ueritate, quæ aliàs per scripta piorum Doctorum fuisset propagata.

Deinde illud politicorum exemplum nocebit posteritati. Nam etsi forte aliqui nunc Magistratus sint eius sapientie, & pietatis, ut possint de libris, qui edendi sunt iudicare, idq; etiam bene, & gnauiter præstent, ut necessaria, & Ecclesiæ utilia scripta non impendant, tamen cogitandum esset exemplum illud ad posteritatem duraturum. Sequentes enim gubernatores, qui ut plerumq; accidere solet, minus sapientie in rebus diuinis, minusq; pietatis habebunt, ac forte etiam heresi aliqua occupati erunt, uolēt eandē potestatem sibi usurpare, imò putabunt se rectē facere, cum maiorum uestigiis insistere uideantur.

Hi ergo quid hac occasione aliud facient, quàm quod ueritatis propagandionem impedituri, & mendacium, & falsa dogmata sint promoturi: id uerò peccatum recidet in autorem istius scandali, ut patet ex Hieroboam, & alijs, qui suis malis exemplis Israel peccare fecisse dicuntur.

Nonò: Quia hoc pacto Magistratus politici accersunt sibi, & suis à Deo omnis generis pœnas corporales, spirituales, & nisi pœnitentiā agant aeternas. Deus enim istā tyrannidē aduersus Ecclesiam & regnū filij sui, & nouam illam meretricem Babylonicam, seu Cæsareopapatum, & confusionem potestatis Ecclesiasticæ, & politicæ, non potest impunitam relinquere, ut testantur uetera, & recentium exempla. Huc pertinent omnes illæ horrendæ conuersiones

itiones pœnarum spiritualium, & corporalium, & æternarum, qui de Antichristo Romano, eiusq; Collegis, membris, seu focus in sacris literis reperiuntur. Aequalium enim, & similium peccatorum, par, & similis pœna esse solet. Ostendimus autem supra Papalem Antichristum, hoc est, confusionem Ecclesiasticæ, & politicæ potestatis, quam Papa, & Ecclesiasticæ personæ instituerunt contra Dei uerbum, Principes gentium dominantur, uos autem non sic: Et nouum Imperialem Antichristum, hoc est, confusionem illam, qua Magistratus politici sibi rapiunt ius utriusque gladii corporalis, & spiritualis, esse paria.

Sed dicamus sanè aliquid de istis pœnis, quæ à politicis accersuntur, si fortè aliquis earum consyderatione moueatur ad pœnitentiam.

Primum autem isti spiritualia sibi accerserunt mala. Nam à Deo ita excæcantur, ut non uideant se grauissima perpetrare scelera, qualia sunt factio ipso agere aduersarium Dei sese efferre supra Ecclesiam, sese collocare in templum Dei, & ostentare pro Deo, 2. Thessal. 2.

Deinde occupantur à septem spiritibus, qui postrema faciunt peiora primis, Matt. 12.

Tertiò, ita à spiritu uertiginis mirabili Dei iudicio non pauci corripuntur, & in transuersum aguntur, ut contra suam conscientiam, suas, & maiorum suorum confessiones damnent, & abiiciant, & blasphemant.

Quartò coguntur fieri persecutores syncerorum Doctorum

flor
bele
Q
li, qu
& pa
nestra

Sed
quibus
sua bon
carceri
tionem
longe tr
mundo,
cici sust
catione

Sept
sequi, cu
funderen

Mala
li se par
causis ad

Pecc
niuit, &
perij Ro
uersione
rius.

florum, seq; participes faciunt sanguinis, qui inde ab A-
bele effusus est.

Quintò, se & suos subditos priuant ueritate Euange-
lii, qua nullus est prestantior, & durabilior thesaurus,
& patefaciunt omnis generis corruptoribus doctrinae se-
nebras suas.

Sextò, Abalienant à sese preces communes piorum,
quibus saepe magni uiri tempore afflictionis adiuti, uel
sua bona retinuerunt, uel amissa recuperarunt, & ex ipsis
carceribus liberati sunt, & accersunt sibi econtra maledi-
ctionem, & execrationem omnium piorum, quæ res est
longè tristior, & nocentior, quàm quicquam aliud in hoc
mundo, ita ut Lutherus dicat, se malle imperatoris Tur-
cici sustinere inimicitiam, quàm unius ueri Christiani pre-
cationem contra sese iustis de causis fieri.

Septimò, Tandem desperatio solet eiusmodi sacrilegus
sequi, cuius rei exempla possemus recitare, nisi breuitatè
studeremus,

Mala corporalia magis in oculos incurrunt, quorum il-
li se participes faciunt, sed illa non isti peccato, uerum alijs
causis adscribere solent.

Peccata Antichristi Ecclesiastici, seu Papatus Deus pun-
niuit, & adhuc punit, fame, peste, gladio, seditionibus, im-
perijs Romani distractione, uastatione Regnorum, sub-
uersione ciuitatum, uarijs nouorum morborum gene-
ribus.

Eadem

Eadem mala manent, & quidem iam ceperunt grassari in Magistratus sibi utrumq; gladium rapientes, seque Dominos, & Dictatores regni Christi constituentes. Dum enim illi regnum Christi turbant, & transformant, Deus ipsis uicissim sua regna turbis, & omnis generis calamitatibus replet, dum super Christum, & Ecclesiam regnare nituntur, & pios in exilia mittunt, Christus uicissim eos subiicit seruituti, & imperio alieno, ut Turcico, Musconitico, & alijs.

Mala eterna Antichristo Papali prædicta sunt in uerbo: Extrema abolitio 2. The. 2. Palus ignis, & sulphuris, Apocal. 19. Cruciatu eterni Apoc. 14. Verum eadem etiam referri debent ad Antichristum Imperialem, & ad Gog, & ad Magog, Apocal. 19. & 20.

Hec opponant uiri politici suis uanis consilijs, & oppionipus, quibus sibi persuadent se, & suos fore beatos, si etiam supra Ecclesiam, eiusq; Ministros supremam sint adepti potestatem, seu tyrannidem, & perpetuam dictaturam, Tum enim fore aurea secula, ac cauere, & interdici posse uiris rixarū, ne quid loquantur, scribant, aut edant, quod faciat ad Magnatum animos irritandos, & ad dissidia excitanda Nam si uerbo Dei, & experientie, fides habenda est diuersum eueniet. Sicut enim Papalis Antichristus, qui sibi ultra gladium spirituale, etiam corporalem rapuit, infinita mala attulit, & Ecclesiam, & politiam oppressit, cultus idolatricos instituit, carnificinam conscientiarum exercuit, turbas, & seditiones funestas mouit, & ad inferos infinita animarum agmina deduxit. Ita e contra

Antichristi

Ant
etian
oppr
ones
ptore
sacco
pinat
iram
excidi
No
gistrat
scriptor
& a no
theri a
Antico
asserit
se, si au
An M
t
Q
os uir
stum
Antich

Antichristus Imperialis, qui sibi ultra corporalem gladium etiam spirituale uendicat, contra Dei uerbum, et ordinem, opprimit Ecclesiam, ueram doctrinam tollit, ueras confessiones impedit, pro sinceris, & salutaribus Ministris corruptores, hereticos, adulatores, Magistros lempedes, lugen saccos et suauiloquos substituit, & conscientijs uenena propinat, & Rempublicam turbis, & seditionibus complet, et iram Dei sibi, & suis egregie cumulat, & perniciem, seu excidium, ac extremam seruitutem accersit.

Nono: Lutherus, & alij pii Doctores semper istam Magistratus tyrannidem damnarunt, nec uoluerunt suorum scriptorum editionem pendere ab aulicorum prepostero, & à norma uerbi diuini absono iudicio, Extat epistola Lutheri ad Philippum, in qua dissuadet ei, ne sua scripta ad Aulicorum arbitrium jedit, aut supprimat. Ac rectè asserit mediam partem suorum operum in tenebris mansisse, si aula arbitrium, & consensum ipse expectasset.

An Magistratus rectè faciant, si interdican-
teratis sub sua ditione constitutis, ne
quid praelis externis euulgent,
à se non prius uisum, &
approbatum.

CAPVT XX.

Quia praelorum libertate Deus per Lutherum, & alios uiros, quos ipse noua luce Euangelij per Spiritum sanctum celitus illuminauit, & induit, regnum Diaboli, & Antichristi, & tenebrarum passim turbauit, & destruxit,
E ideo ut

ideo ut uicissim Deo agere faciat Sathan, & paulatim suum regnum recuperet, aut nouum quoddam condant, omnibus uiribus experitur praela in captiuitatem, & suam seruitutem redigere per Dominos politicos, quos inflammat, & excitat ad dominatum super Ecclesiam, & Ministerium constituendum, occupato nimirum gladio spirituali, & potestate Ecclesiastica.

Ac Dei permissu propter peccata populi sui & ingratitude mundi ea in re non parum profecit. Nam Pastoribus, & Superattendentibus, qui debebant esse custodes iuris, & priuilegiorum, & libertatis Ecclesie, quam Christus suo sanguine comparauit, partim stercentibus, partim colludentibus cum sacrilegis illis, partim etiam proditorem exercentibus, non modo praela, quae sub dominio cuiusque sunt, occupauit per illos Monarchas, qui soli ea obsident, & pro sua tyrannide, aut lubitu, quae edi, aut non edi debeant, iuxta aulicam sapientiam, & non iuxta Dei uerbum, & Ecclesie necessitatem, & utilitatem edicunt, sed etiam longius progressus praela externa, quae sua non sunt, sed alios dominos habent, conatur suo seruitio, & iugo subicere, dum imperant, ne quis ex Theologis quicquam edat alibi, quod non prius a se sit uisum, & approbatum, & concessum, Si quis secus faciat, eum contumelijs, & exilio multant.

Docebat autem Magistratus prius considerare, nunquid in eo recte faciant. Nunquid ministri Dei officio, aut diaboli fungantur talia praesumentes. Verum plerique se

se ita

se ita gerunt, ut in Psal. 82. dicitur, Nescierunt, neque intellexerunt, in tenebris ambulant, mouebuntur omnia fundamenta terræ. Non enim quid sui officij sit, nec quid liceat cogitant, sed pro arbitrio, quæ lubent, quo iure, quauē iniuria appetunt, suscipiunt, & in actum producunt, neque Deum, neque homines reuerentes.

Quare necesse est Ministros Dei eos iuxta Dei uerbum & ueram pietatis normam, uel surdos, aut recalcitrantes, & minas cruentissimas spirantes, aut cælum terræ miscentes, commonescere de metis sui iuris, aut norma iustitiæ, ac de regula pietatis, ipsis uel in præiudicium, ne sint excusabiles in die iudicij, uel emendationem. Quo animo, & fine nos quoque hanc questionem discutiemus.

Quod autem Magistratus non rectè faciant, si literatis in ditione sua constitutis imperent, ne quid prælis externis subijciant, nisi prius à se, & suis Aulicis approbatum, & concessum, facile iudicari potest ex ijs, quæ supra dicta sunt, & porro subijcientur. Nam si non habent politici Domini ius soli sine iudicio Ecclesiæ legitimo, & uero consensu huiusmodi censuram instituendi, aut exercendi, ut supra demonstratum est, multò minus ius habent talia simpliciter imperare. Secundo non habent ius literatorum, & maxime Theologorum scripta ad suam inspectionem, & censuram aulicam sine Ecclesiæ Dei consensu astringendi, ut illorū iudicio præpostero, & arbitrio, necessaria, & utilia ad ædificationē abijciant, aut

E 2 differant;

differant, aut ueritatem in mendacium, seu adulationem conuertant.

Sed satis ipsis esse debet, si autores sua nomina subijciant, & parati sint reddere rationem ubi sit necesse, & pati pœnas siue Ecclesiasticas, siue politicas, si quid contra pietatem edidisse conuincantur.

Tertiò, quia literati homines non sunt adeò mancipi, et Magistratus dominio subiecti, ut nihil scribere, nihil edere liceat sine eorū inspectione, & approbatione, præsertim si nullas suæ improbationis iustas, & pias rationes ex uerbo Dei afferre queant. Quis sutorum, aut fabrorum adeò est mancipi, ut cogatur tantū ex Magistratus præscripto, & inspectione calceos, aut clauos huius, uel alterius formæ facere, & huic tantum, & non etiam alij uendere. Certè si gubernator aliquis conaretur sutoribus hoc iugum seruitutis imponere, ne quem calceū alium faciant, quàm à se præscriptum, nec cui uendant, quàm à se prius uisum, & approbatum risui omnibus sese exponeret, & pro prudente Consule, aut Principe stultus, improbus, et iniustus audiret, propterea quod cum non nossset artem calceariam, ac sciret iudiciū de calceis pertinere ad eius artificij Magistros, & non ad consularem, aut regiam dignitatem, tamen temere id auderet, et simul impediret commodum artificium, et rē nouā tentaret. Cur igitur ferant homines docti, & Theologi, ut gubernatores politici, qui aut scribere non norunt aut de religione parum intelligunt, id quod sui officij non est, nec ab ijs præstari potest, sed ad alios pertinet, temere & cum fraude publici boni audeant?

Quartò,

Quartò, Priuilegia, & beneficia literatis data, & concessa ab Academijs nomine Principum, non possunt sine grauiſſimis causis abrogari, & tolli ab ipſo Imperatore, nedum ab aliquo inferiori Domino, niſi uelit pro Tyranno, & uiro parum ſibi conſtante haberi.

Sed Doctõibus, ac Magiſtris, & Miniſtris Eccleſiæ datur poteſtas docendi, & ſcribendi quæ pertinent ad cuiuſq; profeſſionẽ, tantum cum illa conditione, ut ſint parati reddere rationem, ſi quid perperam docuiſſe, aut ſcripſiſſe uideantur. Quæ igitur fronte, & conſcientia Domini illi politici illa literarum, & maxime Miniſtrorum Eccleſiæ iura abrogabunt inſcio Imperatore decretum facientes, ne quid à quoquam edatur quocunq; in loco, niſi prius à ſe uiſum, aut approbatum?

Quin:ò, Diſtinctæ ſunt gubernatorum iuriſdictiones. Alius alio loco imperium, & Dominium tenet, ac cuiuſq; poteſtas gubernandi. Aliud eſt de officio deſenſionis. Id enim etiam extra fines ſui territorij ſeſe extendit de iure Dei, & gentium) eum locum, & populum comprehendit, qui ei eſt ſubditus, nec debet mittere ſalcem in alienam meſſem, ut dici ſolet, aut, ut Petrus uocat, ἀλλότριο ἐπισκοπεῖν.

Quod ſi autem aliquis gubernator hic imperat, ne quis libros ſuos imprimi ab aliqua Typographo in remota regione curet, niſi ipſe prius cenſuerit, & approbarit, nonne ſuam iuriſdictionem extendit in præla illa extra ſuum territorium exiſtentia, quorũ ius nullum habet. Habent alias præla illa externa ſuos Dominos, & inſpectores non tantum politicos, ut apud quosdam noſtrates ſed etiam Eccleſiaſticos

E 3 ſiaſticos

Quartò,

siasticos, & quidem literatos homines, quos illi noui, & uiolenti censores præse contemnunt, dum ea, quæ ab ipsis censi debent, ad se rapiunt, non tam animo promouendi rem literariam, quàm impediendi, nec tamen possunt cauere autoribus, quod si ab ipsis sint libri inspecti, & approbati, quod externorum prælorum inspectores contenti horum iudicio, & censura illos libros approbaturi sint, & admissuri. Inanem ergo sumunt operam, & aliena curant suis neglectis, & insigne arrogantiae uitium produunt.

Literati homines, & Theologi ea sunt præditi modestia, ut nihil magis uelint, quàm ante editionem sua scripta à doctis, & pijs uiris, legi, censi, & emendari, additis causis emendationis, & censure. At illi Monarchæ non querunt emendationem, sed oppressionem. Ea enim occasione, si offeruntur illis libri necessarii ad confessionem, & defensionem ueritatis, & salutarem hominum conversionem, & peccatorum, & errorum reprehensionem, edicta sua proponunt, Nolumus hoc prælis euulgari, quia seditiosum est, quia nimis acerbum, & amarum, quia intempestiuum, quia offendit hos, & illos uiros magnos, & potentes, quorum amicitia nobis commoda est.

Sed si quis querat causas, cur seditiosum, cur acerbum, cur intempestiuum? An propter hominum fauorem ueritas Dei occultanda? Nullas nisi uanas, & carnales afferunt rationes, quæ pietati, & honestati contrariæ sunt. Sed tamen propter eas edicta sua uolunt seruari, & adorari, Atque ita oppressionem, & non emendationem sua

inspe-

inspectione querunt, & re ipsa praestant.

Sextò, Magistratus officium est honorare bona opera, & non prohibere ea Rom. 13.

Sed uoce, & stylo synceram doctrinam propagare, corruptelas, & errores refutare, peccata, & peccatores rederguare, & ad poenitentiam uocare? Item historias ueras, ueteres, et recentes commemorare: Artium, et literarum studia excolere, & promouere, sunt bona opera necessaria Reipublicae, & Ecclesiae. Qua ergo conscientia gubernatores possunt decretis suis, ne quid imprimatur sine suo consensu etiam externis praelis, illa opera impedire, et quasi muscipulas concludere, & quae utilissima reuera sunt inutilia censere?

Septimò, Nouum, & inauditum quiddam hac in re faciunt Magnates Nam dum in hoc orbe terrarum literae fuerunt, & libri scripti, & editi sunt, ac dum typi, ac praela usurpati sunt nunquam monumenta literatorum hominum praelis externis edenda adstricta fuerunt ad uoluntatem, & nutum, & censuram politicorum Dominorum.

Habuerunt quidem illi potestatem, si quid alibi prodiiisset, & non rectè scriptum esset, exigendi rationem ab autoribus, eosque etiam iuxta leges suas ob impia, aut inbonesta scripta puniendi, Sed ante editionem ad suum consensum omnes labores Doctorum obligare, eaque occasione necessaria, & salutaria scripta impedire, & suppressere, nemo ausus fuit ne Iulianus quidem, aut Ethnicus Magistratus. Estque adeo haec noua ratio, ut ante paucos annos in euangelicis Ecclesiis à quibusdā impiis in urbe, quā suo tempore

E 4 nomina

nominatim indicabit historia optimi, & præstantis uiri, qui propter libellum de nouo, et ueteri Christo à Saule quodam in exilium est pulsus contra dicente, & gemente Ecclesia, inuenta ad fidelium Ministrorum exilium, quam postea cum alijs quidam suis Theologis præter ius, & conuentiones priores imponere conarentur, manifestarunt suorum constantiam, & suam impietatem erga Ministros Dei, & religionem. Quod si Romani Cæsares, & præfecti iudeæ post ascensionem Christi ea ætate, qua uixerunt Euangelistæ, uisi fuissent ista tyrannide, quam nunc Christiani exercent in rem literariam, quid quæso haberemus de uera historia Christi, & Apostolorum, nisi forte putemus eos tam stolidos fuisse, ut concessissent Euangelistarum libellos in publicum prodire in quibus sunt multæ historiæ, quæ non bene commendant quorundam Magnatum facta.

Verum sicut ex Imperatoribus Ethnicis, & Tyrannis crudelissimis, nullus uias ad extinguendum Christianismum magis compendiaras reperit, quam Lucinius, qui uenit, ne sacerdotes Christiani Synodos celebrarent, & de religionis negotio coniunctim tractarent, Et Iulianus, qui è scholis Christianos eiecit, & pueris gentilibus blasphemias instillare iussit, ac edixit, ne quis Christianorum libros gentilium philosophorum, aut poetarum legeret, id quæ eam ob causam, ne inde arma aduersus gentium idola peterent ita hodie ad opprimendam ueritatem Euangelij nullus ex Papisticis Tyrannis rationem ad eam rem accommodatorem instituit, quam hæc est pseudolutheranorum, qui talibus decretis, & edictis omnia scripta, in quibus puritas doctrinae pro-

ne propaganda est, sibi subijciunt, & postea pro sua carna-
li prudentia, seu potius insania, stultitia, & furore oppri-
munt, ac e contra Hereticorum deliria, quibus plerumq;
Magnates capiuntur, longe latèque diuulgant.

Octauò, quæ supra diximus de incommodis, & damnis
ac pœnis Tyrannidem secuturis, quæ præla propria occu-
pantur à solis politicis, & denegantur necessarijs, & salu-
taribus scriptis, eadem etiam pertinent ad hanc longe in-
iustiore tyrannidem, quæ externa præla, quæ in potesta-
te istorum Dominorum non sunt, prohibentur literatis, &
maximè Theologis, qui tenentur ueritatem Dei contra om-
nium Diabolorum, & filiorum huius seculi uoluntatem, et
assensum asserere, & propagare uoce, & stylo.

An literati bona conscientia in eiusmodi ser-
uitutem possint consentire, ut sua non
nisi de censura, iudicio, & permis-
su Aulicorum, et politicorū
uirorum prælis, siue do-
mesticis, siue exter-
nis subijci-
ant.

CAPVT XXI.

Talem seruitutem à literatis, maximè uerò à Theologis
non posse bona conscientia approbari, facile est existima-
re ex præcedentibus,

Nam si illa nec rectè, nec piè à Magistratu fiunt, ut de-
monstratum est, nullo modo probari possunt à quoquam.

D 5

Scriptum

Scriptum est enim, Ne dicas falsum testimonium. Item *Va* qui bonum iralum, & malum bonum dicit *Esaie 5.*

Deinde ut minister Dei nō potest bona conscientia consentire, si ei à Magistratu præcipiatur, ne uoce propaget puritatem doctrine ad alios, & ne moneat errantes, & ne beneficiat aliis: Ita nec consentire potest, si ei mandetur, ne stylo id faciat. Nam utroque et uoce, & stylo, Domino Deo suo deumctus est, ac habet ab eodem certas metas in uerbo præscriptas, quas nullius hominis, imo nec Angeli quidē hortatu, aut coactu transgredi debet.

Tertiō faciens et consentiens in eodem herent crimine *Rom. 2.* Non tantum qui hec faciunt, sed qui consentiunt facientibus rei sunt. Sed Magistratus ad suam illegitimam, & insidiosam inspectionem alligantes scripta Ministrorum Ecclesiæ necessaria, & utilia ad ædificationem, committunt sacrilegium, & tyrannidem in libertatem Ecclesiæ, à Christo partam, ut supra ostendimus. Hoc uerō crimine quomodo sese liberabunt, qui talia non modò probat, sed etiam illos, qui libertatem suo periculo, & exilio euentur, exhibant.

Quartò, Promouens, aut approbans regnum Antichristi, quod maximè consistit in confusione politica, & Ecclesiastice potestatis, contra dictū, *Data Cesari quæ sunt Cesaris, & Deo quæ sunt Dei,* is grauissimè peccat.

Sed Magistratus sibi soli exclusa Ecclesia inspectionem librorum edendorum, & maximè theologicorum, rapiens, & decreta proponens, ne quid uspiam imprimatur à se non concessum, & hoc modo insidias Ecclesiæ libertati, & uerita-

ueritati struens, regnum Antichristi instituit, ut supra diximus, confusa politica, & ecclesiastica potestate, cum Ministris Ecclesie, & non Cæsari dictum sit, Euntes docete omnes gentes, Item peccantes coram omnibus argue. Item, Quaecunq; solueritis super terram, erunt soluta in cælis.

Ille ergo, qui sua scripta eiusmodi insidiosis, & aulicis, & neopapalibus inspectoribus sciens & uolens absque contradictione subiicit, ac decreta illorum probat, quid aliud facit, quàm quod Papatum illum nouum, quem politici Domini contra suam conscientiam, & uerbum Dei moluntur, confirmat.

Quintò à Pseudoprophetis iubetur omnes sibi cauere, quia sunt lupi rapaces, qui puritatem uerbum Dei, uerum usum clauium, & sacramentorum, libertatem Ecclesie, confessiones ueras, & salutem animarum rapiant.

Verum illi Neopapales Domini politici per talia decreta de prælis, & illegitima, ac insidiosa inspectione sunt lupi ueras confessiones, quæ necessariae sunt ad puritatem conseruandam, & propagandam contra corruptelas, saluatares conciones pœnitentiæ, quibus monentur lapsi de peccatis, & inuitantur ad conuersionem, & scandala tolluntur, deuorantes, & dilaniantes, ac interdicientes. Sed ab his quomodo cauere sibi dicantur ij, qui decretis ipsorum impiis sese subiiciunt, ac sinunt sua scripta ab iis discerpi, & in tenebras abiici.

Sextò: In illa, quæ laqueum, & offendiculum fratribus apponunt, & quæ incommodant posteritati, & quæ decessu iram Dei, et pœnas, nemo bonus potest consentire.

Decreta

Decreta autem illa de seruitute praelorum, et illegitima, ac infidiosa inspectione afferre illa mala omnia supra declaratum est. Quare non nisi impius in tyrannidem illam potest consentire.

Quid si autem quis alia ratione non possit ullum scriptum euulgare, an non melius sit istam approbare legem, quam prorsus à stylo abstinere.

Respondeo.

Si omnes literati suam tuerentur libertatem, ac suos Dominos quisque suo ordine, et loco moneret, ac pro gravitate ministerij illi nouo papatui imperiali obsisteret, facile expugnarentur aliqui Magistratus, ut cederent admoniti de rapina, et sacrilegio, et impia edicta abolerent. Sed quia id à paucis fit, alijs adulantibus Monarchis, alijs tacetibus, alijs istam tyrannidem excusantibus, ideo procedit illa noua abominatio quotidie longius, ac alii aliorum exempla imitantur, imo et syncretismi fiunt à politicis in conuentibus, de ea praelorum occupatione Tyrannica, ac de infidiosa inspectione.

Quod si ergo illa abominatio iusto Dei iudicio propter ingratitude mundi aduersus ueram religionem subinde magis magisque obfirmata fuerit, pati eam oportebit pios, sed approbare, et in eam consentire nullo modo. Verum contra protestari, ut solet fieri in uiolentis rerum occupationibus, contra ius, et æquum.

Ne autem ea tyrannide grassante Ecclesia, et ueritas diuina faciat iacturam omnino necesse fuerit, Theologos, ut antea praela factum est, exaratos inuulgare, et ad posteritatem

ritatem transmittere libros, quod etiam Sanctus Lutherus
præuidisse, & prædixisse uidetur illustri illo in Daniele
uaticinio de ueritate uix apud priuatos Patres familias lo
cum habitura, & à suggestibus exulatura, quod sanè nunc
pedetentim incipit impleri, die extremo festinanter ap
propinquante.

An typographi bona conscientia quiduis
excudere possint.

CAPVT XXII.

Non quæuis bona conscientia à pio Typographo excu
di posse, facile est iudicare ex præcep. diuinis, qualia sunt.
Non dicas falsum testimonium. Item, Ne communicetis pec
catis alienis. Omnia probate quod bonum est tenete, & si
milia.

Nam ut alia omittamus, scripta theologica duorum
sunt generum, Alia congruunt cum doctrina Christi, Pro
phetarum, & Apostolorum, Alia cum ea pugnant, & fal
sa dogmata, et impios cultus asserunt, aut excusant, aut de
ferunt. Vt autem non est & dicitur Qogop impia, & falsa dog
mata scribere, sed est grauißimum peccatum, ita etiam ex
cudere typis, & euulgare eiusmodi hæreticos libros culpa
& crimine non uacat.

Deinde alia sunt famosa, in quibus innocentes, et imme
riti conuictis proscinduntur, dissimulatis autorum nomini
bus. Talia qui excudit ille sese participem & peccati alie
ni, & pænarum ciuiliū, & diuinarum facit, & scelera
tè typis suis abutitur contra Dei gloriam, & proximi di
lectio

lectionem, & publicam tranquillitatem. Et quamuis e-
iusmodi mendaciorum, & conuiciorum promotores, &
inuulgatores non puniantur à communi Magistratu, ta-
men experientia testatur, eos impunitos non dimitti à
Deo, qui uindice manu eos insectatur.

An recte nomen Typographi, & loci
occuletur.

CAPVT XXIII.

Humana prudentia, seu potius malitia, & stultitia mi-
rabilis est artifex in declinandis periculis, quæ uel ob male
facta, aut ob ueritatis assertionem, & bona, ac honesta o-
pera suos sequi solent autores. Hinc est quòd sæpe Typogra-
phi, cum imprimunt famosos libellos, neque nomina sua, ne-
que loci ubi impressio facta sit subiiciant. Quia in re scele-
ratè, & impiè faciunt. Sic alii, qui uera & necessaria scri-
pta subiectis nominibus autorum edunt, ubi nihil esset pe-
riculi ex quadam timiditate suum & loci nomen dissimu-
lant, ut sint extra periculum, quod sibi fingunt. Hi minus
peccant quidem quàm illi superiores, sed tamen non satis
bene agunt, dum scripta illa quasi suspecta reddunt, de qui-
bus tamen autores parati sunt respondere cuilibet petenti,
& non procul ab abnegatione ueritatis recedunt, De-
cebat autem eos ab omni specie mali abstinere.

An recte fiat, si libri fictitijs nominibus
edantur.

CAPVT XXIII.

Ty

Tyrannis, & potentia Dominorum politicorum, & metus periculi turbulentis temporibus sepe impulit auctores, ut libris ualde necessariis ad gloriam Dei uindicandam, & ueritatem asserendam fictitios facerent titulos. Quod quidem cum excusationem aliquam mereatur, tamen planè probari non potest. Veritas enim apertè dici gaudet, eiusque confessionem ceu lucernam non sub modio, sed supra candelabrum & consistere, & lucere omnibus in domo decet, Matth. 5. Sed imbecillitas hominum etiam sanctorum in huiusmodi rebus discrimen facit, aut impedimenta eorum, qui alia ratione impressionem admittere recusant.

An contra politicorum edicta imprimi queant, quæ ad gloriam Dei, & propagationem ueritatis, & communem utilitatem pertinent.

CAPVT XXV.

Graue est nobis ad hanc questionem respondere, tum propter calumniatores, tum propter homines pios. Si enim negamus piè fieri posse, laqueum conscientijs paramus, quæ malunt Dei mandato, quàm hominum impiis decretis obtemperare, Act. 5. Sin uero affirmamus rectè, & piè in tali re Tyrannorum decreta, ut uerbo Dei contraria, & ex Diabolo proficiscentia contèni posse, & quidem debere, calumniis aperta est fenestra. Ergo seditionem suades, & suscitās, Tolle, tolle, crucifige, crucifige. Egregia sanè consequentia. Hic secundum Dei uerbum monet impia decreta, Magistratus non esse obseruanda.

Ergo

Ergo est seditiosus. Quasi uero seditio sit Deo obedire, & impia respuere. Verum utut calumniatores impetant nos, nihilominus tamen ex uerbo Dei, ius Dei proferre, & tucri, ac sequi oportet. Propter calumnias enim non est ueritas reticenda, aut occultanda. Nec propter malos omittenda est institutio bonorum.

Ille que ad gloriam Dei, & propagationem ueritatis, & communem utilitatem pertinent etiam contra edicta. Tyrannorum bona conscientia à Typographis imprimi posse his, & similibus confirmatur argumentis.

Primum, Quia omnes Typographi obligati sunt iuramento in baptismo Dei prestituto ad promouendum ea, que ad gloriam Dei, & propagationem ueritatis, & communem utilitatem, seu dilectionem proximi, & adificationem Ecclesie pertinent, nec possunt ab illa obligatione, ullius Tyranni, aut Diaboli autoritate, aut interdicto, liberari, seu absolui, quin periuri fiant, si non obtemperent, sed secus faciant ob alicuius Tyranni edictum.

Secundum, Quia nullus politicus Dominus habet ius Typographis, aut aliis hominibus interdicens ea, que pertinent ad gloriam Dei, & ueritatis propagationem, & Ecclesie adificationem. Nam Magistratus tantum honorare bonum debet, & non licet ei id impedire, aut prohibere Roman. 13. Et sicut Ministri Ecclesie non habent potestatem ad destructionem, sed ad adificationem, ita Magistratus, qui est armatus Dei minister, & ensifer, terrere, & prohibere que ad Dei Domini sui pertinent amplitudinem & gloriam, nullo iure potest.

Impera

Imperare autem, & obtemperare sunt correlatiua.

Quod si ergo politici Domini non habent potestatem talia edicta proponendi, nec subditi tenentur imperata facere. Nullo enim iure imperata, optimo iure denegantur.

Tertium: Ea, quæ contra Dei gloriam, & confessionem ueritatis, & ædificationem Ecclesiæ edicuntur à politicis Dominis, non ab ijs, ut Ministris Dei, sed ut ab organis Diaboli proficiuntur, Diaboli enim est gloriam Dei, & hominum salutem impedire, & prohibere. Qui peccatum facit ex Diabolo est. Item Ioan. 8. Vos ex patre Diabolo estis, eiusque desiderijs uultis obsequi: Quare sicut Typographum non decet obtemperare interdicto Diaboli, ita nec tali decreto à Tyranno proposito.

Quartum. Christus inquit, Date Cæsari quæ sunt Cæsaris, & Deo quæ sunt Dei. Attribuit Cæsari suum certum demensum, & non uult ei dari ea, quæ ad Dei regalia ut uocant pertinent. Quis autem ignoret libros illos, qui ad Dei gloriam, & ueritatis propagationem & Ecclesiæ utilitatem spectant, Dei peculium esse? Si ergo Magistratus suis edictis conetur illos sibi subijcere, eosque opprimere, quid aliud agat, quam ut rem alienam suam faciat, ac id quod suum non est, postulet? Debent Magistratus promouere ea, quæ ad Dei gloriam, & confessionem ueritatis pertinent, iuxta dictum Psal. 2. Osculamini filium, Item, Attollite portas uestras Principes. At impedire, & edictis suppressere nullo iure possunt. Quare si id tyrannicè audent, singuli tententur cauere, nedum uolunt ipsis parere, Deo suum auferant

E rant

rant, & homini id quod Dei est reddant, sibiq; iram, & iudicium Dei, quo grauius premit, quam omnium Tyrannorum crudelitas, accersant.

Cum ergo talia scripta Tyranni prohibeant edere, Typographi cogitent se superiorem Dominum habere, quam ille suus Magistratus est, nec posse bona conscientia, quod Dei est, huic dari.

Quintò, Regula Apostolorum est, Oportet Deo magis obedire, quam hominibus, quæ absoluuntur singuli pñ ab obedientia in illis rebus præstanda, quæ à Deo sunt prohibita. Duo Domini sunt Deus & Magistratus, quibus pñ obedire debent. Si Magistratus imperat, quæ non sunt contra Dei edicta, rectè illis potest obtemperari. At si imperat, quæ Deus uetuit, Deo magis obediri oportet, quam homini. Tum enim Magistratus homines appellantur, Quia sine Dei autoritate talia mandant.

Nec potest uerè dici inobedientia aduersus Magistratum, si quis impia eorum decreta non obseruat, sed contra illa liberè agit. Nam inobedientia erga Magistratum nulla potest committi in eo, quo Deo obtemperatur. Nec Magistratus ullum ius habet imperandi à Deo prohibita. Quare si Imperator in sphinge Augustana mandet, ne quis contra eam dicat, scribat, aut imprimat literam ullam, pñ omnes scire debent, se oportere magis Deo obedire, quam hominibus. Deus enim mandauit, ut contra falsa dogmata ueritas asseratur, scribatur, & imprimatur, & inuulgetur quocunque modo id fieri queat. Ac si quis accusetur uel etiam affligatur ob uiolatum mandatum, is bona conscientia

etia

tia cum Daniele dicere potest, Domine rex contra te nihil peccaui, quia tuum mandatum impium erat, & Dei edictum me ab imperio tuo in isthac reliberauit.

At inquirunt quidā prædiuites, & bene nummali Typographi, Si non obtemperamus illis licet tyrannicis edictis, mulcamur ære, & corpore. Bene quidem, sed quid facias. An putas Deum, cuius mandatum uiolas ob gratiam Tyranni, & bonorum tuorum conseruationem, non grauioribus malis te affecturum esse? An ignoras eum, & uitæ & animæ tuæ potestatem habere, ac in gehennam abijcere posse? Tyranni crudelitas non prius, nec grauius potest seuire, quàm Deus permiserit, nec diutius durat, quàm hæc uita absumpta est, At Dei furor aduersus operantes iniquitatem, æternus est, & non modo hæc bona, & hanc miseram uitam, sed etiam animam, & uitam æternam consumit. Elige ergo utrum malis, Deum omnium maximum, & potentissimum Dominum ad benefaciendum obtemperantibus, & puniendum inobedientes, offendere, quàm Tyrannum aliquem uix ampulla durabiliorem.

Ex his etiam constat, politicos uiros uerè eoram Deo ius non habere affligendi Typographum, qui scripta ad gloriam Dei, & ueritatis propagationem, & Ecclesie edificationem pertinentia, impressit sine eorum consensu. Nam uerè ille nihil contra Magistratus peccauit. Deinde, Magistratus tantum ius habet puniendi mala opera Ro. 13. Sed Typographus ueritatem adiuuans bonum opus fecit. Cur ergo puniatur? Tertio bona opera honorare Magistratus debent. Sed talia scripta, quæ ad Dei gloriam, & ad

Ecclesie edificationem pertinent excudere est bonum opus. Ergo potius à pijs Dominis laudari debebat, quàm multari. Quarto Christus Phariseos, & hypocritas, qui ob traditiones, & præcepta hominum Dei mandatum de dilectione uiolabant, reprehendit. Sed nihil differt ista Politicorum uiolentia ab illis. Nam sicut illi damnabant eos, qui die sabbati opera caritatis faciebant, propterea quòd seniorum traditiones uiolassent. Ita si quoque incarcerant, & puniunt suos, qui Dei mandatum de dilectione proximi & de confessione præferunt illorum captiosis, & insidiosis decretis de impetranda prius licentia impressionis ab illis, qui odio ueritatis confessionem opprimunt, propter societatem, quam habent, uel cum doctrine corruptoribus, uel cum piorum afflictioribus, & calumniatoribus.

De uirtutibus, & uitijs Typographorum, & Ministrorum eorum.

CAPVT XXVI.

Singula uitæ genera suas quasdam uirtutes requirunt, quibus præditi ñ sunt, qui in eo statu uersantur, clariores, & laudabiliores coràm Deo, & hominibus habentur, sicut econtra certa quedam uitia in quibusdam conspiciuntur, quæ deformant homines, & uituperio digna sunt.

Nimis autem prolixum esset omnium uirtutum, aut uitiatorum, quæ hodie in Typographis conspiciuntur, catalogum contexere. Ideo obiter, & breuiter tantum quedam in eorum gratiam attingemus.

Virtutes, quæ Typographum maxime ornant, hæ præcipue

ipue uidentur. Pietatis, & ueritatis studium, quo si caret, erroneos, & hæreticos potius, quàm synceros, & salu-
tares libros edit, & mendacium magis, quàm ueritatem
promouet, aut sine conscientia pro & contra ueritatem
excudit.

Timor Dei, quo munitus sit, ne absterreatur Tyrannorum impijs edictis, à promouenda ueritate.

Diligentia, & solertia, Nam ignauia, & negligentia bonos autores erroribus corrumpit, & lectoribus facit negotium.

Eruditio, quasi caret destinandus est ad imprimendos Eulenspiegelos, & similes iocosos, aut nullius momenti libros.

Iustitia, ne æqualitatem excedens ob auaritiam expiator sit potius doctorum, quàm promotor studiorum, & rei literariæ.

Frugalitas, quæ ipsius æconomiæ prodest & beneficentiæ, & iustitiæ quasi nutrimentum suppeditat.

Liberalitas, eaque maximè erga literatos, & uiros bonos synceram ueritatem cœlestem studiosè propagantes.

Tolerantia laborum. Nam labores haud leues requiruntur, ad collocationem, correctionem, impressionem, & indicium comparisonem.

Hæc uerò uitia Typographos, eorumque Ministros ualdè deformant.

Ignorantia ueræ religionis, & studium propagandorum errorum, & mendaciorum, cuius exemplum insigne in Genneppio Colonienfi, & alijs quibusdam extat.

Contemptus Dei, quò fit, ut parati sint iussu Tyrannorum contra conscientiam, quævis etiam impietissima exaudere, & quæ ualde salutaria, & utilia essent Ecclesiæ Dei omittere.

Mala fides, qua scripta ueterum, & recentiorum nonnunquam corrumpuntur.

Ignauia, & inertia, qua plurimum obsunt studijs literarum.

Iniustitia, qua precij æqualitatem excedunt.

Auaritia, qua tantum suum lucrum sordide quærunt.

Prodigalitas, qua ebrietati, & gulæ dediti abliguriunt omnia, & postea sunt iniusti, & in Iudeos usurarios incidunt.

Ebrietas & gula, quæ apud quosdam ministros Typographorum adeò uulgaris, & quotidiana est, ut quoties in Calendario rubris literis dies notata illucescit, toties à labore uacandum, & poculis indulgendum sibi esse statuunt.

Illiberalitas erga doctos, & literatos homines, eorumque labores, quorum cum fructus ipsi capiant, decebat eos quoque erga illos esse humaniores, & liberaliores.

bat eos quoque erga illos esse humaniores, & liberaliores.

τὸ τέλος δὲ τοῦ θεοῦ.

Tyranno
issima ex
ni Ecclesia

tiorum nona

tudis litera


nt.

le querunt
n abligurunt
curarios in ci

istros Typo

que quoties in
groties a labo
se statuam.

imes, eorumq
nt, decca
uni



Egit BB 1990